

舒

藝

室

餘

筆

舒藝室餘筆卷一

南匯張文虎孟彪

詩周南葛覃序云后妃之本也次章傳云古者王后織  
玄紵公侯夫人紘綖卿之內子大帶命婦成祭服士妻  
朝服庶士以下各衣其夫明是言婦人已嫁之事故三  
章末云歸甯父母傳曰父母在則有時歸甯耳箋云言  
嫁而得志猶不忘孝其解本同乃續序以爲后妃在父  
母家志在女功躬儉節用服滌濯之衣尊敬師傅則以  
言告言歸爲于歸之歸故其傳云婦人謂嫁曰歸夫女  
將于歸必自告於師氏邪然序又云則可以歸安父母  
則末句仍以歸甯連文而陳氏傳疏則讀可以歸截

句於文義不順未知果得傳意否古經不詳家庭婦子相見之禮歸甯無文抑有而傳者佚之故說經者以爲始自春秋

陳疏以父母在則有時歸甯耳七字爲箋文誤入傳

卷耳詩蓋文王入朝於殷或奉命征伐后妃念其行役之苦而作金罍傳云人君黃金罍則我者我文王也若如續序則后妃自我乎我臣下乎兔置詩則墨子

尚賢篇

所傳文王舉閼天泰顛於豳網之中是已而序又云后妃之化然則文王之求賢好德皆賴後宮矣芣苢序云后妃之美也續序益之云和平則婦人樂有子矣有子之云附會於逸周書王會解彼文本云康民以桴苢桴苢者其實如李食之宜子說文艸部苢芣苢

一名馬易其實如李令人宜子从艸曰聲周書所說陸  
璣義疏云馬易一名車前攷本草車前無宜子之說亦  
不似李黃公紹韻會改其文爲如麥飾說耳車前賤艸  
隨處有之詩在文王時而猶待王會時貢乎段注云凡  
云一名者皆後人所改爾雅音義引作芣苢馬易也可  
證竊謂此說是也說解原文祇此三字餘皆後人妄增  
蓋爲續序所惑

漢廣三章駒與萑韵傳云五尺以上爲駒與隱元年公  
羊傳解詁合陳風株林駒韵株小雅皇皇者華駒韵濡  
驅諏皆侯部字小雅角弓駒韵後龜取亦同釋文於彼兩詩引別本  
作驕說文亦云馬高六尺爲驕蓋所聞異也而於韵不

合或遂欲據彼文以定此章駒字亦爲驕陳疏又謂大

夫乘驕

株林傳大夫乘駒陳亦以駒爲驕之誤

漢廣游女非大夫驕爲攝

盛然則次章之秣馬攝諸侯與

何云諸侯乘馬

高誘兩注淮

南子馬五尺以下爲駒與此傳上下字不知孰誤

汝墳序道化行也蓋商人遭紂之暴慕文王之德而來

歸耳兩君子及父母皆指文王續序乃云婦人能閔其

君子猶勉之以正三復詩言及毛傳全不相涉

召南甘棠三章召伯所說傳說舍也箋云說猶舍息也

案天官掌舍鄭注舍行所解止之處說蓋稅之假借字

稅有斂義故云舍息猶言稅駕

羔羊詩素絲五紵素絲五緇素絲五總紵緇總皆數也

本王氏  
述聞

江都汪氏

中釋

三九曰凡一二之所不能盡者

則約之三以見其多三之所不能盡者則約之九以見其極多此言語之虛數也其說遑矣而未盡也一二三者數之少四五六者數之中七八九者數之多此三等之數猶論語言始有少有富有也此詩之五紵五絨五總言五不變而紵絨總不同騶虞之五紵五縱亦言五不變而紵縱各異王風采芣之三月三秋三歲言三不變而月秋歲遞進鄘風干旄之良馬四之良馬五之良馬六之則舉三中數標有梅之其實七其實三則舉自多至少兩數皆約略言之非指實數凡見於經傳者不勝舉可以類推

邶風柏舟序泛云仁而不遇也續序以爲衛頃公時鄭  
譜從之未知何據列女傳謂衛寡夫人所作潛夫論云  
貞女不二心以數變今以弟二章審之疑衛之宗室諫  
於其君被讒而退猶不忘君也曰我心匪鑒不可以茹  
者傳云鑒所以察形也茹度也謂以鑒照物一過卽空  
大雅烝民柔則茹之方言云茹食也謂如食之下咽與度義亦近而我心不能忍置也  
曰亦有兄弟不可以據者宗室之親豈伊一人而已則  
孤立無助也威儀棣棣不可選也襄三十一年左傳  
北宮文子引之以譏楚圍毛傳訓選爲數似詰籀說文  
選遺也遺縱也蓋謂人之威儀不可以或縱乃已則自  
盡其道而爲羣小所嫉也日居月諸胡迭而微說文

迭更代也微者猶小雅十月之交云彼月而微此日而微也鄭箋於此微字訓虧傷於彼訓不明其義同蓋以君之過比日月之食也曰心之憂矣如匪澼衣者日月之食人皆見之其更人皆仰之如衣污之宜澼猶冀其君之改過也曰靜言思之不能奮飛則卽首章以敖以遊之意蓋無可柰何之想也嘗以離騷徵之我心匪鑒不可以茹所謂余固知謇謇之爲患兮忍而不能舍也薄言往愬逢彼之怒所謂荃不察余之中情兮反信讒而齎怒也曰愠于羣小所謂眾皆競進以貪婪兮憑不獸乎求索羌內恕己以量人兮各興心而嫉妬也心之憂矣如匪澼衣所謂怨靈修之浩蕩兮終不察夫民心



閨中既邃遠兮哲王又不悟也靜言思之不能奮飛則  
卽駟玉虬以棄鸞兮盜埃風以上征以下至終篇云云  
也屈子亦楚之同姓故所言與詩人略同而詩言甚簡  
騷則曲折盡情可以互證或以為莊姜作亦近之

燕燕二章之子于歸遠于將之案文十五年公羊傳解  
詁將送也又見釋文然則遠于將之卽上云遠送于野下云  
遠送于南毛傳將行也義雖近而不若訓送之直截故  
集傳從之

凱風序美孝子也蓋其母歉子之奉養故七子作詩自  
責而續序乃云衛之淫風流行雖有七子之母猶不能  
安其室則其詩雖云自責實招其親之過何云孝子而

孟子猶以為親之過小平

匏有苦葉序刺衛宣公也蓋謂衛宣公時之詩耳續序  
乃云公與夫人竝為淫亂竟如歇後語則何以解後二  
章乎今三復詩意則疑當淫亂之時獨有守禮自好之  
士不隨污俗故詩人美之也 匏與瓠一類而二種匏  
苦瓠甘瓠可食匏不可食碩人齒如瓠犀南有嘉魚甘  
瓠纍之瓠葉幡幡瓠葉采之亨之幽風八月蠶壺壺乃  
瓠之借字八月瓠老  
不可食此謂瓠也此云匏有苦葉瓠甘葉亦苦公劉  
取以為種酌之用匏則謂匏也詩言匏瓠迴別而後世混其稱故  
毛傳云匏謂之瓠瓠如瓜而長俗亦謂之扁蒲玉篇瓠  
白瓠瓜  
此疑即匏圓而扁小者徑不及二寸大者如槃有徑二三

尺者

俗又有長而束腰者

其小者用以爲酒器如公劉詩

所偶

郊特牲器

其大者可用以濟渡莊子逍遙遊今子

有五石之瓠

此瓠也而偶瓠其相混久矣

何不慮以爲大樽而浮乎

江湖釋文引司馬云樽如酒器縛之於身浮於江湖可

以自渡魯語叔孫穆子曰豹之業及匏有苦葉矣此劉章取

義以示

叔向曰夫匏不材於人共濟而已韋注佩匏可

以渡水也論語吾豈匏瓜也哉焉能繫而不食亦謂匏

止可以備濟渡而不可食也匏春種夏實必經霜葉落

然後乾之以待用

說見宋嚴氏詩輯

今止云匏有苦葉則未知

爲葉之始生而未有實抑葉之未落而不可用蓋詩人

見此而興起其感耳

深厲淺揭以徒涉言濡軌以車

濟言高郵王氏謂不乃語辭

見經傳釋詞

傳中由輶以上為

軌軌上脫濡字皆甚塙其謂輶乃軸字誤

見述間

則未必

然此輶字正是入輿下四尺四寸之輶考工記六尺有

六寸之輪軹崇三尺有三寸也加軹與輶焉四尺也軹

謂之軌亦謂之車轉頭蓋軸之兩端也軸貫輪心當半

輪之高軸上為輶

兩輶在軸之中附軹以固軸

軹與輶共厚七寸故

加於三尺三寸之高為四尺也輶之入軹下者四尺四

寸當兩輶之間

故謂之伏免此云當免

是輶在軸之上即在軌之

上水至此則軌沒於水故云由輶以上為濡軌也輿之

廣如輪之崇

記云輿人為車輪崇車廣衡長參如一

軸之任輿者亦如之

而其兩端出轂外兩軌之間即兩輪之所踐故轍迹亦

謂之軌其實一事也若爲軌前十尺之輶則豈特濡軌而已傳言飛曰雌雄走曰牝牡徵之爾雅信然然釋鳥鵠鵠其雄鵠牝痺則亦有通用者昔人舉南山之雄狐牧誓之牝雞顧氏曰知錄舉無羊之以雌以雄又廣及左傳莊子焦氏易林山海經皆古書以見其不可拘予謂雉鳴求牡亦止言女之自媒求匹而佞毛者必謂以飛雌求走牡則曲禮云夫唯禽獸無禮故父子聚麀說文云駉駉馬父羸子也羸驢父馬母也何以以人之偁通於畜乎古禮霜降逆女冰泮殺止預荀月令季秋之月鴻鴈來霜始降故曰雝雝鳴雁又曰士如歸妻迨冰未泮此昏娶之時也男先乎女無媒不交無幣不

相見如乘舟者必待舟子此昏娶之禮也今求匹之女  
既非其時又無其禮如無匏而厲涉濡軌而亂流此所  
謂自獻其身守禮之君子所不受也 或言濟卽泉水  
出宿于沛之沛二字古通

谷風序夫婦失道也衛人化其上淫於新昏而棄其舊  
室夫婦離絕國俗傷敗焉此詩毛傳甚明集傳意亦相  
近惟辨說云亦未見化其上之義則果矣大序云國史  
明乎得失之迹傷人倫之廢吟咏性情以風其上故凡  
風俗之善則歸美於上風俗之惡則歸刺於上周南全  
詩皆屬於文王之化后妃之德邶鄘衛以下多有民間  
之詩而動曰刺某君刺某君蓋人君不能修德則其下

化之故往往斥及其君太王之時內無怨女外無曠夫而孟子以爲由古公亶父之好色亦猶是也衛自莊公寵其嬖妾而疏莊姜民習其化淫新昏而棄舊室詩人傷焉其義灼然而云未有以見化其上之義蓋決於駁小序耳 龜勉同心不宜有怒采芣菲無以下體蓋始來之時相約如此德音莫違所謂言猶在耳也 中心有違不忍去也不忍去故行道遲遲也 孔子之去魯也亦畿門內也者不踰樞也國語夫人送王不出門屏此意畿門內也者不踰樞也國語夫人送王不出門屏孟子母之送女止於門婦人之禮耳丈夫之送賓亦止於門則薄矣 陳氏毛傳疏引白虎通出婦禮蓋此時視之如荼而昔日新昏之時甘如薺也詩中三言晏爾新昏

二章五章皆憶舊三章則新人涇指新人渭指舊

室涇以渭濁蓋新人必有以己之濁誣其舊室者湜湜

其汙猶古詩云水清石自見也晏爾新昏不我屑以則

淫昏者不能辨別耳舊解皆以涇喻舊室渭喻新昏惟陳疏得之葑菲荼薺

梁笱皆據平日勤儉習苦者而言莊二十七年公羊

傳注婦人有三不去嘗更三年喪賤取貴有所受無所

歸亦見大戴記本命及家語今詳三四五章則嘗與共貧賤矣共患

難矣三年之喪亦患難也且云既生既育則已育子矣云以我御

窮則資以為養矣而不念昔者武怒而遣之則不仁實

甚李迂仲云所謂將恐將懼惟予與女將安將樂女轉

棄予得此詩之旨矣



式微中露泥中毛傳皆云衛邑於古未聞集傳解中露爲霑濡泥中爲陷溺案中露猶言露處載馳序云國人分散露於漕邑是也或云露當爲路孟子率天下而路是也泥中李迂仲解爲泥塗蓋衛雖處黎侯於東地而待之不以禮如齊景之於魯昭耳

簡兮序刺不用賢也蓋旁觀之詞惜其有材如此屈於伶官不得如免置之武夫爲國干城故末章思有君如文王者耳集傳乃以爲賢者自言夫自僞爲碩人自狀爲僕僕自詡有力如虎豈東方生滑稽之流邪惟舊作三章章六句集傳作三章章四句一章六句則得之泉水二章追憶之詞三章則設想也嚴華谷云沛爾以

下以女子有行言之則爲嫁時宿餞之地干言以下以  
遄臻于衛言之則爲思歸而宿餞之地語簡而義塙陳  
疏以還車爲大夫反馬殆非

北風序刺虐也衛國竝爲威虐百姓不親莫不相攜持  
而去焉辨說云衛以淫亂亡國未聞其有威虐之政故  
集傳以爲北風雨雪以比國家危亂將至而氣象愁慘  
也案三章云莫赤匪狐莫黑匪烏赤者狐也而以爲匪  
狐黑者烏也而以爲匪烏亂政者小人也而以爲匪小  
人則朝廷之黑白亂矣然則北風雨雪凝陰之象可知  
小人成羣賢者相率而退耳其虛其邪旣亟只且蓋設  
爲問答之詞問曰猶可以徐徐乎荅曰去之惟恐不速

爾

靜女序刺時也衛君無道夫人無德集傳以爲淫奔期

會之詩案蓋亦化其上耳黃東發云靜女其姝乃奔者

自相偁美之辭

語類云靜女者猶無良而曰德音

毛傳泥於定九年左

傳之論乃曰女德貞靜而有法度與序全不應不知鄧

析私造刑書駟歆殺之

正義以爲殺之不爲此書夫而私造刑書固有可殺之道已而

用其竹刑故君子論之謂既用其書不當殺之比之靜

女雖淫而有取於三章之彤管則不遺其詩蓋斷章取

義之意故上云苟有可以加於國家者棄其邪可也曰

邪則不以此詩所云眞爲靜女可知城隅卽桑中之期

貽我彤管自牧歸荑亦貽我握椒之類

李迂仲亦云

其取之

著以彤管之言與宮中女史事偶涉耳其實援引不倫  
所論亦未塙若因竹刑而殺則其書不當用若因他罪  
而殺則宜論其罪何如苟罪有不可赦則用其書之刑  
刑之而已

新臺詩刺衛宣瀆倫無恥強爲偃仰以說婦人籛籛似  
斥言牀第不鮮不殄皆謂其粗惡譬喻之辭殄字鄭讀爲腆  
是也不殄猶之不鮮毛傳訓絕非

鄘風柏舟序言衛共伯蚤死蓋得其實史記衛世家之  
言不足信也序偶其妻守義父母欲奪而嫁之則其伯  
未昏然詩三言兩髦其姜何以見之曰曾子問曰取女  
有吉日而女死如之何孔子曰壻齊衰而弔旣葬而除

之夫死亦如之蓋其伯雖未昏而已有吉日其姜亦必如禮往弔故得而見之也既弔而歸父母欲奪其志故作詩自誓天者呼天而誓之獨呼母者婦女之常毛傳訓天爲父不詞

牆有茨言之長也長謂委曲不可盡集傳云託以語長難竟義亦同毛傳云惡長也不成文義陳疏云言君之惡長案此自謂昭伯及宣姜於惠公無涉君指何人定之方中序文公徙居楚丘始建城市而營宮室傳云定營室也方中昏正四方箋云定昏中而正謂小雪時其體與東辟連正四方周語營室之中土功其始韋注云建亥小雪之中定星昏正於午與毛鄭合皆言昏正

無異說南海曾氏釗

見所著毛鄭異同辨

據春秋僖公二年春王

正月諸侯城楚丘謂徙居要在正月後安得至小雪時  
疑方中爲斥旦中當爲夏時四月其意謂方城時不及  
徙又似疑毛鄭所云當在是年夏正小雪節者則惑之  
甚矣夫春秋經書春王正月乃周正建子之月以三統  
術推之是年天正月戊辰朔年前十二月己亥朔甲子  
小雪則正月朔距小雪止五日故陳疏以爲魯僖公元  
年十二月事案左傳二年春諸侯城楚丘而封衛焉不  
書所會後也杜注諸侯旣罷而魯後至諱不及期故以  
獨城爲文蓋築城非一日之功至是而已畢且是時衛  
實露處或不待其功畢而始徙也此可釋曾氏之疑

蝦蟇詩蝦蟇在東莫之敢指朝躋于西崇朝其雨案日  
乍出而虹見於西則雨日將落而虹見於東則雨止虹  
者太空之氣與雲氣相雜日射之而成影如日射水中  
倒影於上亦或成五色文也禮記樂記地氣上齊鄭注  
齊讀爲躋躋升也釋文又作躋案史記樂書正作躋其  
訓與毛傳合樂記又云化不時則不升男女無辨則亂  
升此詩所斥其在此與

衛風竹竿序衛女思歸也適異國而不見答思而能以  
禮者也辨說以爲未見不見答之意嚴華谷云婦人以  
夫家爲歸者也衛女旣嫁異國而反思衛之樂蓋於異  
國不得其所則思故鄉也此雖不言其夫家之不見答

而觀其思歸之切如此則其情不言可知旨哉斯言真可謂能以意逆志者矣

王風黍離序無可議李迂仲謂與麥秀之歌同誠然然但自敘悲閔而未斥及狡童則尤爲忠厚蓋所處之位

異也韓詩以爲伯封作

見御覽

新序又以爲衛宣公子壽

作岐之中又有岐薛君章句

亦見御覽

解云詩人憂懣不識

於物視彼黍離離反以爲稷之苗竊以爲凡誤識者必

先言誤識之物然後諦審之而知其爲此物觸目而見

以爲彼黍之離離邪諦審之而知爲稷之苗也

章二三此

詩雖述憂思迷惘而亦寓柳往雪來之感蓋稷爲首種

而收獨後

見程臨田九穀考

由苗而穗而實已閱三時見行役



之久也

君子于役序以爲大夫之思君子集傳改爲室家之思

夫無可證也詩中兩言羊牛本無義例埤雅造爲羊性

畏露歸先於牛之說而集傳取之然則易言龍蛇而孟

子言蛇龍何邪

文選班彪北征賦注謝靈運擬  
鄴中集詩注引毛詩並作牛羊

君子陽陽序閔周也君子遭亂相招爲祿仕全身遠害

而已案此則所謂全軀保妻子者也文恬武嬉自道其

樂漫相牽引旁觀者嗤之嗤之正憂之也故曰閔周集

傳乃以爲亦前篇婦人所作宜爲陳長發所譏

見檜  
古編

中谷有蕓嘆其乾矣毛傳嘆菸貌陸草生於谷中傷於

水案嘆不當有菸義說文水部灋水濡而乾也詩曰灋

其乾矣然則許見本作灑許自言偁詩毛氏是毛本如

此今作嘆者後人省借也說文菸鬱也一曰矮也矮病

也義與矮近段解菸字云一物而濡之乾之則菸也此於

毛許義兼得首章云嘆其乾矣雖未濡於水而水氣及

之色已菸矣次章云嘆其脩矣則已及濡而有時仍乾

故傳云脩且乾也史記倉公列傳流汗出滿王氏雜志云滿當作滌滌者流汗出而乾也亦

引此詩為證末章云嘆其溼矣則全濡而不可為矣水濡以

漸由淺而深蓋夫婦之誼不能忍然便絕始也因飢寒

而交謫繼也無所措而欲離終至決然舍去其情事如

此鄭箋離之傷於水義亦同毛乃云始則溼中則脩

久則乾乃適相反而於詩亦先後倒置蓋溼字與乾字

互誤耳

采葛序懼讒也豈亦如京房之不欲遠離左右邪味一彼字疑亦居者之思行者與君子于役同義

鄭風大叔于田首章譽其勇又戒之次章盛偁其射御三章戒以勿馳騁勿恣射勸其釋棚鬯弓以休息愛之乎抑危之也蓋叔段之狂駭莊公之陰險克鄆之舉固已燭照數計

有女同車以下五詩序皆云刺忽集傳斷以爲淫奔而極辨昭公之冤無論聖人刪詩卽彼編詩者何爲廣取淫辭乎忽惡高渠彌救齊辭昏又以班後之怒爲郎之師故傳言其有壯狻之志辨說旣偁其守正又謂柔懦

疏闊又謂狡童序刺其不能與賢人圖事權臣擅命則是公猶在位豈可遽以狡童目之不知有女同車序刺忽以無大國之助至於見逐則此下諸詩皆以事後追咎之辭然則狡童之偶同於麥秀之歌所謂不與我言兮不與我食兮亦與不與我好兮同意也祭仲本勸昭公必取於齊不見聽又以宋人之逼歸而立突公羊傳美其有權蓋卽此序所謂權臣穀梁傳亦曰權在祭仲也

山有扶蘇序刺忽也所美非美然則狂且狡童是忽所美也而傳云狡童昭公也則狂且亦昭公而與序義岐出矣狡童傳又云昭公有壯狡之志何以不釋於前

而釋於後汪氏龍詩異義以狡童昭公也五字爲狡童傳之錯簡然則此兩章之狡童義不同邪

擇兮似刺忽疏於宗室擇謂不殖將落吹女漂女有敗之者矣惟一本之誼宜相助以自強

揚之水終鮮兄弟惟予與女又曰終鮮兄弟惟予二人疑詩人代爲忽突悔過之詞故曰詩之教溫柔敦厚出其東門有女如荼案有女如荼猶之首章有女如雲耳傳云荼英荼也言皆喪服也則何以解雖則如荼匪我思且乎陳疏曲徇毛義牽引匍匐救之亦太迂矣齊風雞鳴無庶予子惛惛君爲子義不協傳云無見惡於夫人亦不可通陳疏云子乃于之誤引比予于壽寘

予于懷胡轉予于恤爲證如此則與傳文正相發傳中  
於字卽經之于字也案此詩首章次章上二句皆夫人  
告君下二句皆君答夫人三章上二句君之言下二句  
則夫人之言其意甚明

南山序刺襄公也案魯桓立三年而娶文姜六年而子  
同生十五年而齊襄立十八年而與文姜如齊此時文  
姜嫁已十六年子同已十三歲而有此淫行不可解也  
甫田序刺襄公也末章婉兮變兮總角卅兮未幾見兮  
突而弁兮案齊襄乃文姜之兄其立在文姜嫁後十三  
年則非少主矣此章所云不合事理疑此詩與猗嗟同  
意突而弁兮卽頎而長兮之謂失其次在前故序以爲

刺襄

陟岵傳山無草木曰怙山有草木曰岵爾雅釋山多草木岵無草木岵釋文引三蒼字林聲類並云岵猶岵字而它無異文說文岵山有草木也岵山無草木也釋名玉篇廣韻皆同詩釋文引王肅亦從爾雅孔冲遠以爲毛傳傳寫誤案山有草木其常也多則別之曰岵義與怙近似雅訓爲優然藝文類聚七引爾雅云多草木曰岵無草木曰岵陳疏引唐語林施士可說山無草木曰岵則似唐本爾雅亦有作無草木岵者段注說文以毛詩所據爲長竝存之可也首章猶來無止毛傳父尙義陳疏以爲有戒勉意勿止者勸以義也此漢得毛意

秦風黃鳥序哀三良也國人刺穆公以人從死而作是詩也案以人從死戎狄之惡俗或謂穆於春秋尙爲賢主何亦出此夫穆之爲人女晉文而媵以懷嬴前盟口血未乾而潛師襲鄭豈知禮義者其卒也從死者百七十七人仍戎狄耳秦本紀正義引應劭云穆公與羣臣飲酒酣公曰生共此樂死共此哀於是奄息仲行鍼虎許諾及薨皆從死漢書匡衡傳秦穆貴信而士多從死其所謂信匹夫匹婦之爲諒也班孟堅敘傳傅田橫義過黃鳥蘇子瞻三良詩本此夫田橫自知不容於漢而自剄二客及五百人從之可謂之義士若三良之死果何爲哉亦戎狄之俗而已矣 臨穴惴慄蓋送者之



言集傳以爲康公迫而納之於壙似非詩意

晨風詩隰有六駁正義引陸璣義疏以駁爲梓榆與苞  
櫟苞棣樹槎相配集傳從之塙不可易毛傳云駁如馬  
倨牙食虎豹不類

無衣序刺用兵也秦人刺其君好攻戰亟用兵而不與  
民同欲房案此序不著何世續序與詩意亦不協陳疏  
以爲亦刺康公此時秦未僞王而詩三僞王子興師此  
何王邪定四年傳申包胥如秦乞師哀公爲之賦無衣  
則詩非刺用兵好戰可知曰同袍同澤同裳蓋卽同仇  
之義則亦非不與民同欲也疑此爲周平王命襄公伐  
戎時所作秉王命而興師不當從王師也失其次故屏

列於康公時

渭陽序康公念母也據列女傳重耳入秦穆姬已死及其還晉而太子瑩送之是詩在穆公時作亦失其次而列此續序以爲康公卽位思而作是詩豈情事邪

陳風墓門刺陳佗也則夫也不良卽斥佗蓋佗之謀篡非一日故曰國人知之所謂司馬之心行路皆知之也曰知而不已誰昔然矣蓋有隱發其謀而不之省顛倒思予所謂它日請念也續序以爲無良師傅則當日傅之者或教猱與

澤陂有美一人疑指憂國者君臣淫亂有心者傷之續序止云男女憂傷淺矣

曹風蜉蝣蜉蝣掘閱毛傳掘閱容閱也箋云掘地解閱  
正義引義疏云夏月陰雨時地中出本草綱目云蜣螂  
蜉蝣腹育天牛皆蟻蟻蝨蝸所化案掘說文引作堀堀  
突也蓋凡蟲出地時必觸其土使鬆乃隨而出嘗見土  
蠶穿地頻出頻入悉發穴中泥於外既而飛去似銜物  
入者後乃頻頻倒入穴仍發其泥以自揜悟所謂掘閱  
者如此堀者土鬆則突然高起也閱者頻頻也箋所謂  
解閱也傳云容閱謂使土鬆處足以容身出入義亦相  
近

大戴記曾子疾病篇魚鼈鼃以淵為淺而鼃穴其  
中阮注引王引之云鼃讀為掘掘也彼文鼃穴即此

陶風七月蓋公劉克篤前烈開國於豳民樂其化而歌

之時在夏末不可列於周南召南亦不可列於雅故別  
爲豳風鴟鴞周公所自爲東山以下皆士大夫作宜列  
雅而今亦附此疑以此篇八章不成卷而足之諸家紛  
紛辨論未敢強作解人公序以七月爲周女心傷悲殆  
及公子同歸傳云傷悲感事苦也豳公子躬率其民同  
時出同時歸也所謂感事苦者求桑采蘩多勞苦耳乃  
中閒增春女悲秋士悲感其物化也三句農桑樸俗雜  
以懷春殊爲不類又此所云豳公子自謂慶節而陳疏  
以爲成王夫自大王遷岐以至武王有天下去豳已四  
世而猶偁成王爲豳公子邪且成王又何以至豳與其  
民同時出同時歸也案狼跋詩公孫碩膚傳云公孫成

王也。幽公之孫也。蓋誤讀孫爲如字。故箋易之云。周公也。知傳義之不可通矣。乃毛以成王爲幽公之孫。陳疏又以成王爲幽公之子。總由附於幽風卷內。刻畫一幽字耳。

鳴鵽旣取我子。無毀我室。傳云甯亡我二子。不可以毀我室。是以二子爲管蔡。下文恩斯勤斯。鸛子之閔斯。傳云稚子成王也。一簡之中。兩子字異。訓且經云。我子不云二子也。竊謂玉篇取有資義。室者子之所資。旣恩勤斯子。則宜保此室也。

小雅伐木。伐木丁丁。鳥鳴嚶嚶。爾雅釋詁。嚶嚶音聲和也。蓋伐木以相助爲義。鳥鳴以相和爲義。毛傳牽連爲

說故云嚶嚶驚懼聲也若鳥因伐木而驚懼則當下喬木而入幽谷矣陳疏知其不可通而又強爲迴護門戶之見耳

六月詩張仲孝友箋云張仲吉甫之友其性孝友蓋謂飲至之時有此人以爲吉甫重也傳云使文武之臣征伐與孝友之臣處內已覺稍迂然猶可通李巡注爾雅乃云張姓仲字其人孝故偶孝友以友爲朋友之友不辭

吉日吉日維牡傳維牡順類絜牡也吉日庚午傳外事以剛日案戊與庚皆剛日則傳文外事以剛日五字當屬首章維戊下午爲馬故云順類而剛絜之則順類絜

馬四字當屬次章庚午下疑互誤

鴻雁末章句維彼愚人謂我宣驕似臣下奉使安集黎民而中被謗議宣驕謂自鳴其功也襄十三年傳穆叔見范宣子賦此詩止取爰及矜人哀此鰥寡及哀鳴磬磬義而孔疏謂以譏晉有驕慢之意則以辭害志矣泝水序規宣王也三章曰我友敬矣讒言其興疑卽所謂謂我宣驕也宣王不終其德晚歲信讒故臣僚相戒如此

白駒皎皎白駒以白駒比賢者耳傳云賢者樂白駒而去則來朝走馬後又一騎馬之證矣黃鳥序刺宣王也蓋宣王始勤終怠無復勞來安集之

舉薄俗化之相投者惘然以去不我冒穀不能通有無  
也不可與明不可與述困苦也不可與居井不能與居  
處矣傳以室家爲言故訓明爲明夫婦之道又云婦人  
有歸宗之義陳疏亦多方以解

我行其野與黃鳥同意戴岷隱云刺衰世俗薄更甚於

黃鳥信然

見續讀詩記

沔水以下六篇皆在宣王晚年失政之時而斯于無羊  
則在其前今本疑失次

節南山駕彼四牡四牡項領我瞻四方蹙蹙靡所騁箋  
云四牡者人君所乘駕今但養大其領不冒爲用喻大  
臣自恣王不能使案後漢書宦者傳呂强疏羣邪項領



意謂不可駕御與鄭箋同陳疏歷引潛夫論中論新序  
費鳳碑抱朴子以爲謂賢者懷材莫用靡所馳騁箋義  
非傳意然傳文止云項大也騁極也未知毛與鄭同異  
古人引詩斷章取義不必盡合作詩之旨也 式訛爾  
心陳疏云訛當作吡破斧傳吡化也案無羊傳訛動也  
字从化聲亦引申其義从言从口古字多通動則變變  
則化其義相因不煩改字

正月父母生我傳父母謂文武也案呼天地呼父母告  
哀之常傳訓似迂 燎之方揚甯或滅之傳云滅之以  
水也案滅之以水者猶淖博士所謂此禍水也滅火必  
矣故下云赫赫宗周褒氏威之也陳疏以燎之方揚爲

惡萌易滋非傳意

兩無正名篇之義不可解前卷據元城語錄引韓詩多  
兩句聊備一說耳至讀詩記所引董氏說作正大夫刺  
幽王則與詩中正大夫離居莫知我勸語氣不合且正  
卽政字何煩增改我友烏程汪謝城曰楨以爲不足信  
是也 淪胥以鋪傳淪率也案淪胥以鋪卽載胥及溺  
之意漢書敘傳晉灼引齊韓魯詩淪作薰後漢書蔡邕  
傳李賢注引作勳皆訓爲卽薰勳率帥古皆通用淪从  
水薰勳从火意義相同孟子以虐民比水火是已述聞  
當如李賢又史記酷吏列傳舞文巧詆下戶之猾以君  
引作痛大豪索隱本焠作熏炙之是熏又通作焠幽風七月穹  
室熏鼠熏義

亦同

小旻我龜既厭不我告猶猶西伯戡黎所謂格人元龜  
罔敢知吉也 不敢暴虎不敢馮河人知其一莫知其  
他稽古編曰前五章皆刺時之語末一章獨爲自警之  
詞蓋先言小人謀議不臧譏王誤聽因又自言當明哲  
保身不可撓小人之怒陳疏引荀子臣道篇昭元年左  
傳高注淮南子本經篇呂覽安死篇爲證案戾太子之  
事所謂暴虎馮河也郭子儀之辟盧杞所謂敬小人也  
孟子曰獨孤臣孽子其操心也危其慮患也浚此之謂  
矣

小宛序大夫刺幽王也案以首章四章觀之疑亦周之

宗室所作教誨爾子式穀似之譏幽王愛伯服而不教也此二句毛傳無文本不連上楊雄誤讀造爲類我之說於是鸚鵡猩猩外又有一能言之蟲

何人斯序蘇公刺暴公也伯氏吹壎仲氏吹箎猶吹笙鼓簧唱予和女之意謂同官爲僚誼當如此也世本遂云暴辛公作墳蘇成公作箎古書可盡信乎

大東後三章雜舉天象以泄其忿退之三星行玉川子月食詩所祖

四月先祖匪人猶言在天之靈耳陳疏讀匪爲彼仍詰

緯

北山溥天之下莫非王土縱言之率土之濱莫非王臣

衡言之

小明序大夫悔仕于亂世也案疑此亦居者之思勞人前三章首八句皆代爲勞人之言我者我其勞人也末四句則詩人念之之詞彼者彼其勞人也其卽後所謂靖其爾位者也後二章則又勉而慰之

楚茨楚楚者茨言抽其棘自昔何爲我藝黍稷謂今之蕪穢而生茨棘者實昔之藝黍稷而祀先祖者也抽者搯之或體說文云引也

頌弁如彼雨雪先集維霰傳云霰暴雪也箋云雨雪始必微溫雪自上下遇溫氣而搏謂之霰久而寒勝則大雪矣此鄭申毛義然則暴雪猶初雪也

謂初曰暴今案俗亦有此言

說文暴古文作麇麇疑卽角弓雨雪庶庶之庶字庶暴

音近庶庶暴雪兒說文霰稷雪也

段注稷雪雪之如稷者似得其解今俗謂

轉爾雅釋天雨霓爲霄雪郭注霰冰雪雜下者故謂之

消雪夫雪已是冰何云冰雪疑冰乃雨字之誤雨雪雜

下俗謂雨夾雪每雨而作雪則先霰

謝惠連雪賦霰漸凝以先集

或

遇日光照之則霰隨止而不成雪說文霓霰之重文霄

消蓋通用霰从散與消義近霓从見謂乍見也蓋亦暴

雪之意抑亦有取於見覲曰消也頌弁詩慮其成雪角

弓詩斥其易消義相因而意各有在

苑柳上帝甚蹈無自暱焉蹈字傳訓動箋讀爲悼似皆

迂遠蓋以上帝指幽王故多窒礙耳竊謂此與天之方

蹶無然泄泄意義相近呂氏春秋知化篇子胥高蹶而  
出於廷高誘注蹶蹈也傳曰魯人之舉使我高蹈瞋怒  
貌述聞引之以釋哀二十一年傳蹶蹈古義通上帝卽  
天也舊說未可從

采綠序刺怨曠也幽王之時多怨曠者陳氏啟源云征

役過時王政之失刺怨曠者正刺幽王此說是也五日

爲期六日不詹毛傳云婦人五日一御不特不當引諸

侯之禮此箋且亦鄙倍可笑鄭以爲五月之日六月之

日集傳謂五日爲去時之約六日爲期而不至皆勝毛

竊謂五日六日皆虛數止是言歸期無定日末二章陳

疏以爲婦人設想之謂亦本集傳而謂悔不從夫則又

牽於箋疏矣

或以爲追想平日義亦通

白華序周人刺幽后也幽王取申女以爲后又得褒姒而黜申后故下國化之以妾爲妻以孽代宗而王弗能治周人爲之作是詩也案此刺褒姒實爲申后作也白華白茅葑菲之意我者我申后也豐水而流于滌洳桑薪而烘于燧喻申后之見遠於王也碩人皆指申后宮中之事孰疏孰親外人不得聞然而聞之猶鼓鍾矣王之愛憎失常有心人爲之憂矣

何草不黃序下國刺幽王也四夷交侵中國背叛用兵不息視民如禽獸君子憂之故作是詩也案四夷交侵中國背叛用兵不息行役苦之以兕虎比寇盜以狐比



征夫詩意曉然

箋云兕虎比戰士

乃謂視民如禽獸恐非詩人

之旨史記孔子世家引非兕非虎率彼曠野正以兕虎

比陳蔡之徒眾而集解引王肅義同毛特以與鄭樹敵

耳說文芄草盛貌有芄者狐蓋言其毛蒙茸傳云芄小

獸貌望文生義

集傳尾長貌可以比有棧之車義可通

大雅文王文王受命作周也案此詩首章曰文王受命

於昭于天又曰文王陟降在帝左右三章曰商之孫子

其麗不億上帝既命侯于周服四章曰殷士膚敏裸將

于京五章曰殷之未喪師克配上帝其爲武王有天下

後追敘之詞甚明蓋在文王時實未偶王也史記周本

紀公季卒子昌立是爲西伯西伯曰文王此敘明西伯

卽文王耳下文皆偁西伯不偁文王至武王嗣位後乃  
云詩人道西伯蓋受命之年偁王其詩蓋卽此篇詩人  
本追敘而說詩者以爲文王在位時作史公不信也故  
於下文著之云謚爲文王謂武王所追王也下云改法  
度制正朔矣追尊古公爲太王公季爲王季則周公制  
禮時事與中庸合禮記大傳云牧之野武王成大事而  
退追王太王王季歷文王昌則約略  
耳之若文王遽自偁王何解於畔援歆羨而尙云以服  
事殷也 前四章歷敘文王作周受命之盛忽入殷之  
未喪師云云亦頌不忘規之意

皇矣維此王季昭二十八年左傳引作唯此文王正義  
引詩王肅注及韓詩皆作文王稽古編及段氏小箋陳

疏据以爲宜作文王案此句毛傳無文鄭箋止云王季之德比于文王不云此句文王當作王季是鄭所見毛詩亦同今本文選于令升晉紀總論云以至于王季能顯其德音善注引詩無異文孔冲遠亦云毛詩作唯此王季故解比于文王言王季之德可以比于文王也據左傳魏舒爲政以其庶子魏戊爲梗陽大夫恐人議其黨故問於成鱣成鱣引此詩以王季擬舒以文王擬戊釋詩所偁度莫明類長君順比合之文王之文爲九德其釋克順克比之比爲擇善而從杜注比方善事使相從也是比例之比其比于文王之比當訓爲比及之比謂及于文王能兼上八德而爲九故曰經緯天地

毛傳本此

其德彌盛而無所缺失也此雖成鯁之諛辭然疑詩義  
本如此左傳本偶誤作文王韓詩沿之王肅遂挾之以  
與鄭立異奉毛者又据之以爲毛本亦同韓毛公問之  
當壺盧地下也畔援歆羨對文義當從鄭說見隨筆  
誕先登于岸猶伊尹所謂先知先覺承上克明克類克  
長克君來毛訓岸爲高岸鄭云獄訟陳長發皆以爲迂  
集傳云道之極至處卽大學道盛德至善義而長發以  
內典彼岸之說黜之然則何以解西方美人爲佛邪  
密人不恭侵阮徂共傳以爲阮共二國爲密人所侵箋  
以爲阮徂共三國黨密犯周故文王侵之正義引張融云本魯詩又  
引帝王世案以經文證之傳說是也經先言侵阮徂共  
紀如鄭說

次言王赫斯怒若如魯詩則二語當倒置矣且下章侵

自阮疆卽此侵阮事若以爲文王侵自阮疆則下無矢

我陵四句義不可通集傳雖強解之殊詰史記周本紀文王所

伐五國止有犬戎卽縣詩混夷密須卽此密耆邾崇尙書大傳

亦同無所謂阮祖其耆裴駰集解引徐廣曰耆一作阮

正義云耆卽黎國是卽西伯戡黎之黎耆阮黎音近相

借柯凌本徑改阮作阮豈亦惑於魯詩與長發於毛鄭二說不能決

陳疏力主毛義是也

下武序繼文也此武字乃步武之武故鄭訓下爲後弟

五章云繩其祖武詩人已自釋之毛公於祖武訓迹與

生民同而於下武訓繼實一義之引申後人泥於武王

之武乃紛紛立異集傳引或說欲改爲文武何不求之古義也

生民誕置之隘巷牛羊腓字之誕置之平林會伐平林誕置之寒冰鳥覆翼之夫祀高禴無子而求子也求子而得子得子而擯棄暴露之人情乎以其不及月乎則誕彌厥月矣以其難產乎則先生如達矣不坼不副矣無驚無害矣毛傳以爲天生后稷異之於人欲以顯其靈帝不順天是不明也故承天意而異之於天下此真兒戲之言鄒叔績漢勛著有識謂彌月爲過月不遲爲大遲姜嫄於高辛氏帝崩之月而妊崩後十二月而生故帝摯謠桵之不以姜嫄爲康大於禋祀爲天所右而以

爲徒然生子非高辛氏之帝嗣故棄之迨至靈異顯見  
但畏天威而不敢殺稷而姜嫄猶然攜稷以大歸於郅  
設想入微然古事旣遠略無佐證備解頤而已 此詩  
自后稷始生至以稼穡開基以成周室而終之曰庶無  
罪悔以迄于今意思淡長陳長發徒偁其章法之工陋  
矣

旣醉釐爾女士案女曰女男曰士此承上家室而言陳  
疏以爾女連文引孟子人能充無受爾女之實爲證不  
知孟子所謂爾女乃或偁爾或偁女非以爾女相連且  
爾卽女女卽爾也如此詩曰釐爾爾士釐女女士可通  
乎毛公無文鄭讀如字而陳以爲毛讀汝何以見之

見賢序守成也太平之君子能持盈守成神祇祖考安樂之也末章無有後艱傳云言不敢多祈也多祈者對上四章福祿而言蓋不能持盈守成則飲食晏樂或以開奢侈之風陳疏引生民庶無罪悔以迄于今爲解淡合毛義

民勞序召穆公刺厲王也案篇中三偈王曰以定我王曰以爲王休曰王欲玉女疑當時有以不善教王者故召穆公勛之末章復託爲王意亦所以諷王也戎雖小子傳訓戎爲大大雖小子而式弘大文不成義此戎字當訓爲汝曰無棄爾勞曰戎雖小子曰王欲玉女爾戎女皆斥其人板之詩曰及爾同寮亦此意



板之次章曰辭之輯矣民之洽矣辭之懌矣民之莫矣  
正對上章出話不然爲猶不遠言陳疏引說苑子貢語  
釋之是也

蕩序召穆公傷周室大壞也案厲王暴虐召穆公不敢  
直數其惡故首偁上帝以明天道無親之意爾雅釋詁  
也說文詁誠諦也詩曰天難諶斯案史記伯夷列傳天  
道無親常與善人管子牧民篇如地如天何私何親韓  
非子揚權篇若地若天孰曰蕩蕩者此上帝也疾威者  
疏孰親親與信義相近亦此上帝也蕩蕩則無所不容疾威則隨感卽應蓋天  
之於人隨所爲而福之禍之無一定也靡不有初鮮克  
有終可就一人言之亦可就一家一國言之其下七章  
乃託於文王之數紂以使之自反末云殷鑒不遠在夏

后之世則周亦宜鑒于殷矣蕩之義見於論語續序附會序中周室大壞之語以爲蕩蕩無綱紀傳箋因之以上帝爲指厲王不特失詩意并失序意矣

抑序衛武公刺厲王亦以自警也案衛武公入相於平王之初其卒在平王十三年卽云年百歲則入相時已八十餘矣身當宣幽之世而舍近徵遠以追刺厲王豈宣幽之事無足以爲鑒戒乎說詩者囿於序文必欲厲之厲王以厲之暴詩無一言而但云迷亂于政顛覆厥德荒耽于酒此正斥幽王耳天方艱難曰喪厥國則并在西周失國之後其自言曰借曰未知亦聿旣耄曲禮八十九曰耄說文九十曰耄卽今字則此詩作於入相

之後追述既往以戒其嗣亦以諷平王也 首章曰抑  
抑威儀次章曰謹慎威儀五章曰敬爾威儀八章曰不  
愆于儀此全詩宗旨荒於酒色則罔顧威儀矣賓之初  
筵曰其未醉止威儀反反曰既醉止威儀嘽嘽曰其未  
醉止威儀抑抑曰既醉止威儀忸忸其意正同 彼童  
而角實虹小子其卽賓筵所云由醉之言俾出童羖者  
乎然則虢石父輩之佞巧善諛以迷亂幽王幾於指鹿  
爲馬矣

桑柔好是稼穡力民代食稼穡維寶代食維好傳以代  
爲替代之代云民代無功者食天祿殊不安疑代猶世  
也謂好是稼穡之力民乃世食此祿維其以稼穡爲寶

故世世好之 曰朋友已譖不胥以穀曰嗟爾朋友予  
豈不知而作益亦被譖而告誡其同列之詞

舒菽室餘筆卷二

南匯張文虎孟彪

周禮天官敘官疏云周禮之內府史大例皆府少而史多唯有天府一官府多於史以其所藏物重也述聞云天官掌次春官鬱人司尊彝司几筵司服磬師典庸器皆府多於史而賈氏曰唯有天府一官則其餘皆否疑今本掌次等官皆上下互譌案鄭注府掌藏史掌書則府如今掌庫史如今文案自當史多於府敘官中史有倍於府幾倍於府者然亦有府史相同者而天官之內小臣夏采地官之充人閭師司諫司救調人媒氏胥師稍人草人誦訓山虞中山小山林衡川衡迹人掌炭司

餘筆卷二

稼春官之雞人華氏占夢眡祲夏官之小子羊人司險  
掌疆候人環人挈壺氏掌畜旅賁氏弁師廋人匡人擲  
人秋官之司厲掌戮掌殺戮禁暴氏脩閭氏環人掌察  
掌貨賄有史無府豈皆無所藏與掌炭與掌荼掌蜃同  
官彼皆府一人史一人此僅有史二人則何以云掌灰  
物炭物之徵令以時入之以權量受之以其邦國之用  
又如角人羽人圉人且有府無史蓋傳本淆亂轉寫脫  
失皆所不免

春官典同掌六律六同之和注鄭司農云陽律以竹爲  
管陰律以銅爲管案竹則皆竹銅則皆銅陰陽分用於  
古無徵後鄭云皆以銅爲之殆嶰谷之竹未易求與

儀禮士冠禮注所卦者所以畫地記爻疏云筮法依七

八九六之爻而記之但古用木畫地今則用錢云云案

疏釋蓍法何必濫及錢卜且揲蓍以求九六七八用錢

以求重交單垢若木則藉以記其所得之畫錢與蓍對

不與木對不得云古用木今用錢也以今錢卜亦或用木板記之

畫地蓋本少牢饋食禮注亦非說見後

水在洗東注洗承盥洗者棄水器也案此注殊未析少

牢饋食禮司宮設罍水于洗東有科注云科料水器也

說文區似羹魁柄中有道可以注水僖二十三年凡設

左傳奉區沃盥釋文疏引說文同是料即區也水用罍沃盥用料禮在此也疏云禮在此也者凡摠儀

禮一部內用水者皆須罍盛之沃盥水者皆用料為之

餘筆卷二

是此經文有不具

土昏鄉飲酒特牲同

然洗正所以爲沃盥不得

釋爲棄水器龔以儲水料以斟水則棄水當別有器亦

不得以料爲沃盥疑兩注皆有脫誤

昏禮壻御婦車授綏姆辭不受案注疏釋經皆合嘉慶

間陽城張刻本乃作壻以几姆加景乃驅不受蓋因下

節而誤此本據序偶依顧千里校本云小小轉寫之譌

不欲用意見更易今此文各本皆同

嚴州本亦不誤

而此本獨

誤不得謂之小小卽改正之亦不爲用意見更易矣其

它舛誤亦復不少仍之以待讀者校讐固昭其慎而自

謂祛數百年來承譌襲舛以還唐宋相傳之舊則恐未

也



冠之日主人紛而迎賓案紛而迎賓則主人卽將冠者  
矣上云若孤子則父兄戒宿是當以父兄爲主人此注  
云冠主冠者親父若親兄也旣云孤子則當云親伯父  
叔父若親兄何云親父經文注文皆有脫誤疏無申論  
是所見本已然而隨文敷衍忽不加察何故

冠者母不在則使人受脯于西階下疏云母死則不得  
使人受脯今言不在者或歸甯或疾病也案子有冠期  
母不當以此時歸甯母疾病則子當侍疾亦不得適以  
其時冠於人情皆不合

士昏禮贊洗爵酌醕主人注醕漱也醕之言演也安也  
漱所以絜口且演安其所食案醕說文作酌云少少飲

也玉篇酌重文醕士虞禮少牢禮注皆云古文醕作酌

特牲禮注今

段云古文誤

文皆爲酌段注酌字皆酌之誤是

也鄭注醕之言演也安也與許少少飲之說合乃又解

爲絜口之漱殊岐出說文欠部欸吮也口部吮欸也段

引通俗文含吸曰欸亦與少少飲合至水部之漱云盪

口也則鄭所云絜口者是而與欸異義不知何以并爲

一辭

曲禮主人未辨客不虛口注虛口謂醕也疏引

齊肝皆實于菹豆注飲酒宜有肴以安之案此亦飲以

養陽食以養陰之意安後世謂之案酒是也

大射禮公樂作而後就物稍屬不以樂志案此言人君

不與臣下爭技能猶上言中離維綱楊觸相復公則釋

獲眾則不與是也

喪禮新盆槃瓶廢敦重鬲皆濯造于西階下案濯下絕句謂此五器皆當滌濯以新之造讀爲竈土竈也上文甸人掘坎于階閒少西爲墜于西牆下注云墜塊竈說文墜作垝云甸竈窗也甸卽今之窰字詩所云陶復陶穴竈必有窗以通火氣墜乃竈窗造卽其竈說見隨筆四鄭釋爲至殆非

特牲饋食禮宗人執畢先入注畢狀如义爲其似畢星取名焉案說文畢田网也从畢象形畢宿八星形似畢故名之爲畢今云畢似星而得名康成鉅儒乃不免于從俗

少牢饋食禮日用丁已注內事用柔日必丁已者取其  
令名自丁甯自變改案說文已象萬物辟藏詘形也改  
更也从支已聲蓋物之變化必先辟藏詘形如蠶之化  
蛾蠋之化蜨它凡蟲之變化皆然可見故已有改義改之从已非  
徒諧聲易革之彖曰己日乃孚義亦取此

史朝服左執筮右抽上韝兼與筮執之案漢書司馬遷  
傳文史星祿近乎卜祝之間所謂史者卽此

卦者在左坐卦以木卒筮乃書卦于木案坐卦以木者  
謂備板以待畫奇偶也書卦于木者謂視板上之畫合  
爲何卦而書之於首曰某卦或曰某之某卦也木卽板  
也注云六爻備書於板是已乃云每一爻畫地以識之

冠禮注亦云畫地識爻夫筮者求得一爻卦者識之於板及六爻全而筮者題之曰某卦以示主人可矣何取於先畫地而後登於板哉

經亦無此文

禮記曲禮敖不可長疏敖者矜慢在心之名長者行敖著迹之偶案幾微矜慢在心既而見諸色矣既而見諸言語矣既而見諸行事矣又既而無事不然矣此所謂長也疏但云著迹辭不達意

樂不可極樂字釋文音洛而引皇侃音岳案疏云樂者天子宮縣以下皆得有樂是孔與皇音同然經文敖欲志樂四字皆就人心而言當從陸音

在醜夷不爭案此句特出與上文不相類疑當在夫爲

人子節末錯簡於此

大夫士出入君門由闌右注臣統於君疏云門以向堂  
爲正右在東述間云門雖向堂仍以東爲左下文主人  
入門而右客入門而左謂人之左右非謂門之左右也  
闌之在右當與門同由闌右當爲由闌左案堂上之拜  
主於北面故東爲阼階西爲賓階主人由東賓客由西  
出入皆同不以門向堂故而門井不以向堂爲正也經  
云由闌右注云臣統於君蓋臣不敢當賓禮若從君而  
由闌右然西玉藻公事自闌東由闌右也者猶言入門右也  
無煩改字主東賓西乃定位出入皆同如主人送客  
降阼階而出門東客則降賓階而出門西不以出門而

變其左右

見張編修惠言儀禮圖

可知門以向堂爲正之非

授立不跪授坐不立注爲煩尊者俛仰受之案跪而授立則受者必俛立而授坐則受者必仰故云爲煩尊者俛仰受之注甚明顯釋文乃引授坐本又作俛仰此蓋淺人不解注中俛仰二字分頂二句而妄以注文改經文也洪氏叢錄獨出授坐不立句以又本爲是云俛仰不立其義云何

離坐離立母往參焉離立者不出中間注爲干人私也離兩也案此離字當讀爲儷儀禮聘禮注儷猶兩也又士冠禮注儷皮兩鹿皮也玉篇儷偶也又見左呂詣切古離麗儷三字通用故鄭注直訓爲兩而釋文無音

故君子戒慎不失色於人案此謂中有所忽外必失其儀容蓋總上四事而言注云色厲而內荏則止據介冑一事而言又云貌恭心很則義不相承

前有塵埃則載鳴鳶前有車騎則載飛鴻案據經文鳴鳶飛鴻則知其爲畫象而非舉死鳥於旌首述聞於青旌條辨鄭說之非信矣乃因此疏申說中無飛字適與爾雅注引經合遂謂經中飛字涉注而衍何也夫鳶鳴而風生鴻之行列以飛而見故畫鳶必開口畫鴻必作飛勢鳴鳶飛鴻兩文相對注云鴻取飛有行列不直云飛鴻何由涉注而衍唐石經明有飛字疏首引經文仍有飛字王氏自舉宣十二年左傳疏類聚鳥部上通典



禮三十六白帖五十八引皆有飛字而決以無飛字者爲是有飛字者爲後人所增無它過信鈔本北堂書鈔耳

君大夫之子不敢自偁曰余小子注辟天子之子未除喪之名君大夫天子大夫有土地者案湯誓非台小子敢行偁亂論語予小子履台卽余余卽予湯非天子之子亦非未除喪時鄭注雖本經文似不必泥天子大夫有土地者曰君大夫它處無徵此篇屢舉國君大夫士疑此亦作國君脫國字又牽於下文大夫士之子遂衍大夫二字簡策相傳其來已久鄭強爲之說耳男女相荅拜也注嫌遠別不相荅拜以明之釋文云相

荅拜一本作不相荅拜皇云後人加不字耳案上文大夫於其臣雖賤必荅拜之此句文勢相承宜有不字據鄭注嫌遠別嫌字疑當在末謂遠別嫌疑也不相荅拜者謂不相拜拜亦不相荅也孔所見本亦與陸同故以有不字者爲俗本蓋於經文注文俱未尋審洪君已糾之

婦人之摯棋榛脯脩棗栗注棋枳也有實今邳郟之東食之案明堂位俎殷以棋注棋之言枳棋也疏云枳棋之樹其枝多曲撓故陸機草木疏云棋曲來巢案陸說本宋玉風賦彼言枳句來巢枳句卽棋曲也以與此注相證則鄭所謂枳者卽今之枳棋枳棋以枝句曲名而

其實可食故又著其有實

金今俗名鉤子

而疏云棋卽今之白

石李也形如珊瑚味甜美

疑卽今李

李之名棋於古未聞

孔不從鄭注而別舉一物又不著辨非疏例

檀弓喪事欲其縱縱爾注趨事貌縱讀如摠領之摠是鄭讀縱如摠也案說文總聚束也蓋物多宜有所聚束勿使散亂喪事恩遽宜有條理以束之下文所謂雖遽不陵節是也

王制古者以周尺八尺爲步今以周尺六尺四寸爲步古者百步當今東田百四十六畝三十步古者百里當今百二十一里六十步四尺二寸二分注周尺之數未詳聞也按禮制周猶以十寸爲尺蓋六國時多變亂法

度或言周尺八寸則步更爲八八六十四寸以此計之  
古者百畝當今百五十六畝二十五步古者百里當今  
百二十五里案八尺爲步步積六十四尺畝積六千四  
百尺百畝則六十四萬尺也六尺四寸爲步步積四十  
尺九十六寸畝積四千九十六尺百畝則四十萬九千  
六百尺也今以四十尺九十六寸除六十四萬尺正得  
百五十六畝二十五步又八尺爲步三百步則二十四  
萬尺也今以六尺四寸除之得三萬七千五百步爲百  
二十五里與鄭注合經文里數畝數皆不相申故鄭以  
爲六國時變亂法度然安知非簡策脫誤孔檢討據考  
工記車人爲耒文謂此記本作六尺六寸爲步因篆文

兜兜相似因譌爲四

見所著禮學厄言

依其說求之得古田百

畝當今東田百四十六畝九十二步不盡古百里當今百二十一里六十三步不盡亦未能與經密合也孔疏繇蕪無當五經算術用約分求之頗簡捷然非所以釋經憶顧尙之算草中曾議此而忘其術意惜此卷爲人竊去不可得矣姑記於此

以別貴賤等給之度案給當作級釋文無說是所見本亦作級非假給爲級也

季秋之月命諸侯制百縣爲來歲受朔日注秦以建亥之月爲歲首於是歲終使諸侯及鄉遂之官受此法房述聞據史記秦本紀昭襄王四十八年文先言十月後

言正月謂當時已用十月爲歲首不始於始皇案昭襄  
王四十二年先言十月後言九月亦猶是也昔校史記  
六國表昭王卽昭襄王十九年十月爲帝疑秦正託始於此  
然自四十八年以後復用夏正故正月之後書其十月  
四十九年先書正月後書其十月而始皇本紀十三年  
先書正月後書十月其時猶未并天下也略見史記札記述  
聞又云秦以十月爲歲首今月令始於孟春者此用顓  
頊秣也案五勝家以顓頊爲黑帝以配冬三月夏尙黑  
爲同色而秦以水德王故用夏正爲秣元蓋亦取其合  
辰也然立春非中氣何以起秣顧君尙之謂雖起立春  
而以小雪必在十月爲準宜其然乎

禮器如竹箭之有筠也如松柏之有心也二者居天下之大端矣注端本也案說文無筠字乃鼎臣新埏疏引鄭顧命敷重筍席注筍析竹青皮也禮記如竹箭之有筠是鄭以筠卽筍字案爾雅筍竹萌說文筍竹胎也義通筍從竹根出乃竹之本松柏由其心而外長亦其本也二者皆如人之以禮爲本故以爲喻筠字疑當作筠說文艸部茝筠茝三字相連茝艸根也筠茝也茅根也茝艸根也三字蓋意義相通今人呼荪根曰茝茝亦曰茝筍是茝與筍義亦近也淺人依竹箭字改筠从竹猶僞古文改茝爲箴耳从艸从竹之字俗多相亂然說文莫字下引周書布重莫席云讀與

茂同茂字从艸不从艸而今本从竹作箴說見王光祿尚書後案

又案顧命敷重箴席疏引鄭注箴析竹之

次青者下文敷重筍席則以筍爲析竹青皮統言之則竹席以別於蒲席耳說文筴析竹篴也篴筴也篴竹膚也又土喪禮繫用幹注幹竹篴也篴篴篴篴皆一聲之轉

設於地財述聞云廣雅設合也設於地財者謂合於地理之宜也案如王說則財當讀爲材

內則芝栢棗棋棗栗榛柿瓜桃李梅杏楂梨薑桂注棗芟也棋枳棋也棋梨之不臧者自牛脩至此三十一物案鄭以牛脩至薑桂爲三十一物則芝栢非二物如疏說矣爾雅栢郭注樹似榲欎而痺小子如細栗可食今江東亦呼爲栢栗据此則似今俗謂珠栗者珠芝一聲之轉耳棋枳棋也與曲禮注合乃又云棋梨之不臧者棋與梨非一類且上已云棋此又重題棋何也蓋此



乃檀字之誤檀爾雅作櫨云櫨梨曰鑽之郭注櫨似梨而酢澀說文櫨果似梨而酢櫨或省作杙與棋形似又涉上而譌而下文又從俗作檀孔氏不能辨故疏中亦兩作棋蓋直以此爲棋字乃悟前曲禮疏之所云石州李彤如珊瑚以當棋者卽櫨也此似今山櫨亦非櫨梨段注說文引此經鄭注作杙不誤又正明堂位君臣未嘗相弑也注春秋時魯三君弑疏引羽父弑隱公慶父弑子般閔公以釋之蓋就春秋時而言而襄仲之殺子惡及視猶弗與焉其前則有潰之弑幽公伯御之弑懿公且不止於三而已鄭云近誣誠不能爲之回護也

少儀臣爲君喪納貨貝於君則曰納甸於有司注甸謂田野之物疏云甸田也言入此物是自田野之所出合獻入之於君有司也案貨貝非田野之物納田野之所出於有司文不成義甸田古通用說文田陳也疑當讀陳襲之陳

執箕膺搗注搗舌也釋文搗以涉反舌也徐音葉管子弟子職作執箕膺揲尹注揲舌也案說文揲閱持也食折切搗剗也口八切此二字音義絕遠而皆無舌訓蓋弟子職之揲本是葉字下文以葉適已卽膺葉之謂誤从手作揲因又誤作搗鄭釋搗尹釋揲皆爲舌蓋當時所見本皆未誤箕之葉如舌故史記天官書箕爲口舌

以其形似而牽合之也曲禮凡爲長者糞之禮必加帚於箕上注引弟子職曰執箕膺搗厥中有帚釋文無搗字而有葉如字箕舌五字是陸所見本作葉不作搗而少儀已爲後人所改然陸音以涉反徐音葉則音俱未誤也

學記大學之教也時教必有正業退息必有居學案時教二句相對爲文時卽後所謂當其可之爲時也正業卽下樂樂即詩禮三者居學卽下學操縵學博依學雜服也操縵謂調弦轉軫如今琴家審聽仙翁泛音及平謂冠服制度此三者皆藝也而道在其中能安之則樂及其所用之矣今本於居字絕句學字下屬則文義詰誨樂學之

樂當慮各切釋文無音皆失之

今之教者呻其佔畢多其詛言及于數進而不顧其安

案此節正與上相反多其詛言及于數進當如吳氏纂

言於言下進下絕句其解當如述聞讀佔爲咎亦畢詛

爲諄也告夫多其諄告而不待學者之悟汲汲求進而不

顧其安是教者不以時而學者不能安其所業矣教者

不能竭誠以教學者亦不能自竭其材所施者無其方

是謂悖所求者不以序是謂佛拂不得謂之善教矣隱

其學者掩覆其所不知而不以問疾其師者不信其師

而有所腹誹與安其學而親其師者異矣雖終其業去

之必速與雖離師傳而不反者異矣鄭訓隱爲不偁揚

王訓爲病皆非

樂記聲相應故生變注樂之器彈其宮則眾宮應然不足樂是以變之使雜也案鄭說恐非經意竊謂十二律旋相爲宮亦旋相爲商角徵羽取其相應者各爲一均而遞遷焉所謂變也

故聖人曰禮樂云案樂書作故聖人曰禮云樂云此蓋節引論語文也經脫一云字鄭注無說是所見本未脫受者宜歌商溫良而能斷者宜歌齊夫歌者直已而陳德也動已而天地應焉四時和焉星辰理焉萬物育焉故商者五帝之遺聲也案此五十一字係錯簡當在肆直而絃下鄭注已云換簡失其次則由來久矣孔疏依

餘筆卷二

史記樂書之次爲解足正其誤然史記文亦微有不同  
經正直而靜廉而謙者史作正直清廉而謙者經陳德  
下有也字史無經兩識字史皆作志經兩音字史皆作  
詩經見利而讓下史有也字經倨字史作居經纍纍史  
作累累經端字史作殷經蹈之也史無也字而經肆直  
而慈下衍一愛字商人識之上衍商之遺聲也五字微  
史記則雖疑其誤而無從是正矣 樂記一篇史記全  
載其文而次序頗參錯史記自首節至第二十五節皆  
以禮終與經同其下接樂也者施也至然后可以有制  
於天下也凡六節下接樂者聖人之所樂也連下八節  
至生民之道樂爲大焉下接君子曰禮樂不可以斯須

去身至可謂盛矣凡十一節下接魏文侯賓牟賈師乙  
三章案孔疏及張守節所引鄭目錄十一篇有樂本樂  
論樂施樂言樂禮樂情樂化樂象賓牟賈師乙魏文侯  
諸曰史記惟魏文侯次賓牟賈前爲不合耳經以魏文  
侯賓牟賈躋於樂情之後樂化之前尤爲驚亂而鄭注  
無文則簡策流傳不敢擬議兩存之而已至其字句異  
同或多或少固有所不暇論也

祭義君子曰禮樂不可斯須去身案此節二百八十八  
字已見樂記此篇專記祭祀齋戒薦羞之義發明人子  
孝養之心末乃推及於養老羸入此節似乎不類蓋錯  
簡重出也

經解喪祭之禮廢則臣子之恩薄而背死忘生者眾矣  
案生字誤述問據漢書禮樂志論衡薄葬篇謂當作先  
是矣竊疑臣字亦非也漢書作骨肉之恩薄則此文宜  
作父子因涉下文則君臣之位失遂誤作臣論衡亦作  
臣者後人據誤本經文改之

仲尼燕居子曰師爾過而商也不及子產猶眾人之  
母也能食之不能教也子貢越席而對曰將何以爲此  
中者也案子貢之問緊承夫子過不及之語而求其中  
子產十五字橫互其閒兩不相應下孔子閒居篇論民  
之父母文頗相涉疑錯簡在此蓋以子產能食不能教  
可謂眾人之母而未足以爲民之父母也

彼篇未推言  
天之施化地



之生物無非教者又及湯文武大  
王之德教皆非子產所能及也

表記道有至義有考至道以王義道以霸考道以爲無  
失注此讀當言道有至有義有攷字脫一有耳案注當  
云脫一有字耳今字字誤倒在脫上上文云道者義也  
此復云道有義不辭疑此義字當讀爲儀古儀義多通  
用見述道有至所謂堯舜性之也有義所謂五霸假之  
也有考則僅自守於無過而已

春秋桓六年左傳公之未昏於齊也齊侯欲以文姜妻  
鄭太子忽太子忽辭及其敗戎師也齊侯又請妻之注  
以佗女固辭又見十案桓之娶文姜在三年而隱八年  
傳四月甲辰鄭公子忽如陳逆女辛亥以嬀氏歸甲寅

入於鄭配而後祖爲陳鍼子所譏則十年之前忽已娶陳女矣何以齊侯復有此請疑請妻本一事而傳者誤岐爲二抑此時陳女已死而請爲之繼室邪

桓十一年經夏五月癸未鄭伯寤生卒秋七月葬鄭莊公九月宋人執鄭祭仲突歸于鄭鄭忽出奔衛是鄭忽之立未及五閏月也是時東方之國齊爲大齊僖小霸鄭實與國故國人以辭昏一節咎忽失大國之援而豔魯桓之得娶文姜有女同車之詩所爲作也迨十五年五月歸而復立至十七年冬被弑首尾三年旣平日稔知高渠彌之惡何不速殺且祭仲能殺雍糾何以不能殺渠彌安知非朋比爲姦制於權臣而不能尊賢親親

且當日配而後祖未必不溺於妃色出奔復反而忘艱危山有扶蘇以下四詩所刺蓋可思也

僖二十一年傳夏大旱公欲焚巫尪杜注巫尪女巫也

又云或以尪非巫也瘠病之人其面上鄉俗謂天哀其

病恐雨入其鼻故爲之旱案或說甚鄙然禮記檀弓注

已用其說矣據此似尪卽巫之名楚有潘尪據檀弓巫尪分

言則截然爲二今人言瘠人死爲殭玉篇居良居亮屍

能遏雨是卽雲漢詩之所云旱魃者亦流俗相傳之謬

說也臧文仲言巫尪何爲天欲殺之則如勿生若能爲

旱殺之滋甚則又似別有一物如山海經言黃帝所下

女媧以殺蚩尤者殆不可究詰矣

襄十九年傳齊侯疾崔杼微逆光疾病而立之案說文疾病也病疾加也疾雖通訓病而病爲疾甚段注引苞咸注論語曰疾甚曰病蓋散文則通對文則異崔杼私於太子光故於齊侯有疾卽微逆之至其疾甚則不待其死而遂立之也

三十一年傳繕完葺牆李涪以完爲宇字之譌段氏若膺以宇字爲添設述聞從段然究屬累辭疑完爲垣字音近而誤垣兩元切桓胡官切皆從匣聲垣或亦讀桓上文本云盡毀其館之垣而納車馬焉又云厚其牆垣下文云脩垣而行牆垣竝舉古人自有複語耳此則非添設矣 說文垝字別義補牆也段注引此傳爲證意

似以垓當完字

我實不德而以隸人之垣以羸諸侯杜注羸受也疏云賈服王杜皆讀爲羸洪氏叢錄云羸露也案羸無露義此襲昭元年傳而誤也彼傳云勿使有所壅閉湫底以露其體注云露羸也羸與羸字形相近而音義絕遠羸露雙聲述聞已論之洪意欲移露字之義以解此文而不知露可以解羸而不可以解羸也

昭二十年傳鄭國多盜取人於萑蒲之澤杜注於澤中劫人述聞云劫人而取其財不得謂之取人取當讀爲聚引文選注類聚白帖御覽竝作聚人韓子內儲說作鄭少年相率爲盜處於萑澤爲證其說信矣竊謂旣云

多盜則不必言聚人疑取人二字卽聚字誤分爲二觀  
韓子但云處於菴澤可證

昭七年傳叔父陟恪在我先王之左右述聞云恪讀爲  
格案陟恪陟格它處未見惟陟降二字周頌屢見大雅  
文王陟降在帝左右正是此文確證諱改字之名而詰  
鞫以回護之仍不免改字何益哉

昭十三年傳子產歸未至聞子皮卒哭且曰吾已無爲  
爲善矣疏云子皮旣卒無人知我之善故云無爲更須  
爲善矣案疏說文不成義爲猶與也無爲爲善猶無與  
爲善經傳釋詞引管子戒篇自妄之身  
之不善爲人持接也尹注爲猶與也

十九年傳札瘥天昏杜注大死曰札小疫曰瘥案大疫

小疫對文死字疑誤疏申題注大死至曰昏死字後人  
依誤本傳文而改是札大疫死也死字亦後人妄增  
定四年傳我必復楚國杜注復報也案復讀爲覆敗也  
下文申包胥曰子能復之我必能興之興與覆正相對  
易泰上六城復于隍亦作復

哀五年傳諸子鸞姁之子荼嬖案史記秦本紀尊唐八  
子爲唐太后集解引徐廣曰八子者妾媵之號漢書外  
戚傳八子視千石比中更七子視八百石比右庶長蓋  
此制沿於春秋時此諸子亦謂七子八子之類夏小正三月妾  
子始蠶傳曰先妾而後子何也事有漸也言自卑事  
者始也蓋子卑於妾則子之偶舊矣又見隨筆六  
注以爲庶公子恐非近齊策齊王夫人死有七孺子皆  
近注孺子幼艾美女也亦此類

六年傳惟彼陶唐帥彼天常有此冀方今失其行亂其紀綱乃滅而亡杜注逸書案此文今偽古文尙書襲以爲五子之歌刪去帥彼天常一句其行改厥道末句作乃底滅亡雖古書相傳容有同異然孔子美楚昭王能知天道故引此書主意正在天常句而偽古文故缺此若示人以非出自左傳者其用心良苦矣

論語學而篇有子曰其爲人也孝弟而好犯上者鮮矣不好犯上而好作亂者未之有也曰鮮矣曰未之有也語有抑揚耳非謂孝弟之人或有犯上也猶下章巧言令色鮮矣仁聖人語氣和緩不爲決絕之言非謂巧言令色之人猶有幾微仁心也朱注少好犯上似有語病



次章其爲仁之本與仁人古通用兩其爲人正相應  
孝弟百行之本豈特爲仁讀仁字過泥遂有孝弟中未  
有仁字之說

述而篇子之燕居申申如也天天如也集解引馬曰申  
申夫天和舒之貌朱注申申其容舒也天天其色愉也  
卽馬注而分言之案和舒者不爲色莊鄉黨篇云居不  
容是也

憲問篇子擊磬於衛有荷蕢而過孔氏之門者曰有心  
哉擊磬乎旣而曰鄙哉硜硜乎莫已知也斯已而已矣  
深則厲淺則揭史記孔子世家書此事於佛肸召之後  
次書學琴師襄事次書孔子旣不得用於衛將西見趙

簡子至於河而聞寶鳴犢舜華之死臨河而歎曰美哉  
洋洋乎丘之不得濟此命也夫荷蕢引詩正與匏瓜之  
歎相因亦與叔孫豹舉匏有苦葉同意蓋以衛不能用  
勸孔子欲濟則速濟無爲淹留果哉末之難矣殆亦卽  
臨河之歎也哉

微子篇楚狂接輿歌而過孔子此謂楚狂接孔子之輿  
歌而過之也後世不知其名遂名以接輿故楚詞涉江  
亦有接輿髡首之語觀下文云孔子下欲與之言趨而  
避之其爲孔子在輿中而欲下輿明甚莊子誤以爲遊  
其門淺人遂以接輿爲接予爲捷子謂楚狂之真名列  
仙傳又以爲陸通荒謬不足論馬氏釋史反詆解論語

者之非無它好奇術博耳

孟子公孫丑上必有事焉而勿正心勿忘勿助長也文義可疑東原戴氏謂正心二字卽忘字誤分當重勿忘二字案儀禮士昏記必有正焉若衣若笄蓋戒女勿忘卽參前倚衡之意疑此文本亦作必有正焉正誤爲事反誤在下耳古忘字或作亾亦與正相似

公孫丑下孟子致爲臣而歸王就見孟子數語及其語時子云云詩曰彼求我則如不我得執我仇仇亦不吾力孟子曰說賢而不能舉又不能養也此之謂矣

王庶幾改之予曰望之又曰王如改諸則必反予此孟子因諫不行而去齊也然則所諫者何事竊以爲卽伐

燕一事也宣王好戰殃民欲闢土地朝秦楚蒞中國撫  
四夷詳於問齊桓晉文一章伐燕之舉以萬乘之國伐  
萬乘之國五旬而舉之尤自謂千載一時乃伐之先知  
孟子迂闊必阻故不親就教而命沈同以私問齊人遂  
勸齊伐燕之遂質質然伐之及燕人既潰始以取不取  
說見燕策問自鳴其得意立意固在取之孟子開以兩端而仍明  
告以爲燕伐燕則亦深切著明矣不聽而毅然取之以  
致諸侯之謀然後急而求策孟子教以反其施俛止其  
重器謀燕眾而置君此補救之至計猶遷延觀望以待  
燕人之畔始甚慙於孟子然亦幾於悔過矣而陳賈復  
巧言以爲之文飾此孟子所歎息痛恨而面斥以豈徒

順之又重爲之辭也於是遂致爲臣而歸矣萬章下篇

末蒼問異姓之卿曰君有過則諫諫而不聽則去蓋亦

在其時曰甚慙於孟子所謂王猶足用

滕文公上墨者夷之因徐辟而求見孟子孟子曰吾固

願見今吾尙病病愈吾且往見案儀禮某子命某見吾

子有辱請吾子之就家也某將走見蓋古士相見之禮

如此此特辭疾爲不同爾

陳仲子避兄離母徙居於陵歛凌氏廷堪論之謂仲子

本田齊之族不義田和之簞齊故逃祿不居見校禮案

孟子曰仲子所居之室伯夷之所築與抑亦盜跖之所

築與所食之粟伯夷之所樹與抑亦盜跖之所樹與是

未可知也蓋譏其雖絕人逃世不能如夷齊之餓於首陽以此證之淩說似得其情匡章因已不得於父引以自況則非其類故孟子辨之 孟子雖泰山巖巖氣象而論事平易不爲偏激故於齊宣王之好勇好貨好色皆委曲誘掖以爲猶足用爲善曰爲政不難不得罪於巨室於萬章論今之諸侯曰子以爲有王者作將比今之諸侯而誅之乎抑教之不改而後誅之乎於匡章之通國皆稱不孝則原其不得已與之遊而且禮貌之故其論伯夷以爲聖人而又以爲隘也

離婁上是以惟仁者宜在高位以下五節與上五節迴異疑是它章錯簡案下章欲爲君盡君道欲爲臣盡臣

道此下五節皆分頂君臣而首節仁不仁又與所引孔子言相應或當是一章

離婁下舜明於庶物察於人倫由仁義行非行仁義也與上節絕不相蒙疑亦錯簡也言性章云天下之言性者則故而已矣故者以利爲本則法也故故迹也利者和也順也由仁義行行其所無事也疑舜明於庶物四句當在如智者亦行其所無事節下蓋以舜之行仁義比禹之治水

爾雅釋言隱占也郭注隱度案公羊隱四年傳吾爲子口隱矣隱曰吾不反也解詁云口猶口語相發動也述聞云注意讀口爲叩叩發動也案口隱謂叩其隱衷猶

言飾也叩亦占也而彼疏以爲隱公隱公豈生謚乎正由誤解隱字遂又於曰上妄加之

釋器附耳外謂之釳郭注鼎耳在表史記楚世家吞三翻六翼索隱云六翼卽六耳翼近耳旁事具小爾雅今小爾雅無此文胡氏承琪曰疑廣器章文而今本失之翼釳字通書多士敢弋殷命馬鄭王本皆作翼墨子耕柱篇三棘六異疑爲三翻六翼之異文案胡說是也翻亦作鞞或作革荀子反而定三革偃五兵革亦與棘同大雅如鳥斯革傳云革翼也韓詩作鞞云翅也說文鞞解同大雅匪棘其欲禮器引作革蓋同音段借說文革部鞞急也案大射儀朱極三注極猶放也所以



韜指利放也疑極卽韠之借字此韠上韠韠皆韠弓矢之具故類聚之从亟亟本訓急利放亦有急義韋部韠射決也決放義近決亦有急義段以韠下連韠疑此作韠急也殆不然

木部相省視也易曰地可觀者莫可觀於木經無此文然其卦固从坤从巽巽爲木也禹貢隨山刊木史記五帝本紀行山表木索隱云表木謂刊木立爲表記漢書地理志師古云言禹隨行山之形狀而刊其木以爲表記是人所觀也周語道無列樹韋注古者列樹以表道相字从木从目蓋會意

舒藝室餘筆卷三

南滙張文虎孟彪

漢書高紀項梁盡召別將案上文項梁益沛公卒五千人五大夫將十人至是沛公攻豐拔之雍商奔魏故項梁收回其五大夫將十人也師古云別將謂小將別在他所者則著此句無謂矣漢王問魏大將誰也對曰柏直王曰是口尚乳臭不能當韓信騎將誰也曰馮敬曰是秦將馮無擇子也雖賢不能當灌嬰步將誰也曰項它曰是不能當曹參吾無憂矣案漢高之於諸將知彼知己如此韓信曰陛下不能將兵而善將將非面諛矣

文紀元年六月故常山丞相蔡兼爲樊侯錢氏攷異云  
丞字衍案百官公卿表景帝中五年令諸侯王不得復  
治國改丞相曰相景紀令尙在後三十五年此丞字非  
衍史記亦有

元紀初元三年四月乙未晦攷異云四月乙酉朔乙未  
十一日晦字衍翼奉傳白鶴館災不云晦案錢說是也  
五行志亦無晦字

古今人表秦女妨攷異云妨史記作防案此疑傳寫誤  
後文亦作防

食貨志秦兼天下幣爲二等黃金以湓爲名師古曰改  
周一斤之制更以湓爲金之名數也案孟子書言萬鎰

千鑑百鑑五十鑑鑑卽溢字則不始於秦并天下後  
五行志禹治洪水賜雒書法而陳之洪範是也案以洪  
範牽合雒書始於劉歆與以先天圖牽合周易皆治經  
一大部障也

京房傳分六十四卦更直日用事曰風雨寒溫爲候注  
孟康曰分卦直日之法一爻主一日六十四卦爲三百  
六十日餘四卦震離兌坎爲方伯監司之官案爻主一  
日則六十四卦爲三百六十日故下文云餘四卦也注中  
六十四卦四字衍

魏相丙吉傳願陛下與昌平侯案昌平宜倒注不誤  
宣元六王傳建初二年案二字誤水經汶水注引作三

年與哀紀合廣本正作三

儒林傳繇是有翟孟白之學依次當作白翟孟字疑衍

匈奴傳每漢兵入匈奴案兵當爲使

外戚傳後客子偏案偏卽王徧也上文作徧數禱祠

解案此當爲禳解之解師古音懈非

王莽傳功能爲忠臣宗廣本能作德是

管子牧民篇務在四時案下文屢言四維此時亦維字

之誤明鬼神祇山川祇當作祇祇敬也下云不祇山

川則威令不聞恭祖舊祖當作故下注非滅不可

復錯也我友楊峴云錯置也非衍不蔽惡則行自全

全疑當作正

形勢篇不行其野不違其馬案韓非子管仲隰朋從於桓公而伐孤竹春往冬返迷惑失道管仲曰老馬之智可用也乃放老馬而隨之遂得道案此卽不行其野不違其馬之的注不字當依注作未無疑失天之度雖滿必涸後解云地大國富民眾兵強此盛滿之國也雖已盛滿無德厚以安無度數以治之則國非其國而民無其民也案此卽上文所云曙戒勿怠後稷逢殃朝忘其事夕失其功也

乘馬篇地者政之本也是故地可以正政也地不平均和調則政不可正也案孟子言夫仁政必自經界始經界不正井地不均穀祿不平與此同意樊棘襍處王

云木無名樊者樊當作楚案小雅青蠅止于樊毛傳樊  
藩也樊从爻林取交積材之義雖非草木而亦近草木  
下二章止于棘止于榛比類而及安知非草木名五  
尺見水不大旱案上言十仞下言十一仞五尺間在中  
相去太遠疑尺字亦當作仞涉下比之於山五尺見水  
而誤孟子掘井九仞而不及泉則十仞十一仞爲極深  
矣故曰今日不爲明日忘貨忘當作亾此卽形勢篇  
所謂朝忘其事夕失其功亾卽失也爲與貨韵  
幼官篇春政秋政皆九十六日夏政冬政皆八十四日  
合爲三百六十日然則其五日四分之一歸之中央乎  
五韞篇上下交引而不和同丁君謂引當爲弗是也謂

交爲狡之借字非也上下交弗猶孟子言上下交征利  
宙合篇扶撥以爲正案撥傾也與正反對大雅枝葉未  
有害本實先撥列女傳孽嬖篇引撥作敗傾亦敗也  
適善備也僊也丁云僊與遷同是也竊謂備遷連文也  
字衍故微子不與於紂之難而封於宋案此管夷吾  
自解不死召忽之難也後鳥飛準繩意南意北之喻亦  
然

八觀篇岷家無積而衣服脩案脩疑當作備民母遺  
積者其禁不必止案不必疑當倒下六句同宮垣不脩戴  
云脩當爲備案下文正作備大城不可以不完郭周  
不可以外通案大字疑衍或夫字之譌後人見上句作



大城遂亦於郭下增周字亦衍也 入朝廷觀左右求  
朝之臣雜志云求卽本字之誤衍案王說是也本朝對  
下外勢而言

大匡篇使彭生乘魯侯脅之案脅之謂摺其脅也楊子  
雲法言效之云卒服之遂爲員興宗所譏覲公子

彭生安敢見案公子二字涉上而衍 或曰明年尹注

襄公立之明年案據下入國之文則非襄公立之明年

矣蓋異間之誤觀後敘宋夫人亂乎尙可以待案此

待字亦當解爲禦見禘志 好邇而訓於禮案邇當如

戴說作遜訓當讀爲馴 無國勞母專予祿案二語相

對國字疑亦作專專勞者詩所謂大夫不均我從事獨

賢賢亦勞也 士庶人毋專棄妻案專下疑脫安字上云諸侯毋專立妾以爲妻 不聞敬老國良戴云國疑圖字誤案戴說是也書盤庚上云亦惟圖任舊人共政而違老治危案危乃詭之借字

小匡篇比耒耜穀芟穀宋本作穀穀芟齊語作耒芟韋注耒拂也所以擊草芟大鎌所以芟草也案說文拂擊耒連耒也古从木从手之字每相亂耒从来亦俗作尹注芟音捶義與耒近疑所見本作耒亦擊耒之義然則管子本文蓋作耒耜耒而國語注擊草亦當作擊耒也 罷女無家案此卽諸葛武侯所謂棄女不入門也霸形篇宋伐杞狄伐邾衛而君之不救也臣請以慶案

之不疑倒慶蓋憂之誤與上桓公言樂相對尹注云以不救爲慶非也然間其伐而不救至其危而始謀此其所以爲霸術也

霸言篇德共者不取也道同者不王也案取疑霸字之誤以上下文證之自見 疆國眾合疆以攻弱以圖霸疆國少合小以攻大以圖王疆國眾而言王勢者愚人

之智也疆國少而施霸道者敗事之謀也案此兩節正相承以疆國眾疆國少爲文疆國眾宜圖霸疆國少宜圖王相反則皆病據此益可證宋本首節作弱國眾之誤而戴暉宋本之非 伐過不伐及乃疑脫不字其失之也以離疆案此孟子所謂小國師大國而取受

命焉者也

君臣篇上百姓之力也胥令而動者也案上也字疑衍  
不言於聰明於字衍句法與上不言智巧一例而  
無道之君既已設法則舍法而行者也案既已設法四  
字疑衍下有五橫案橫當作衡注亦同下文云朝有  
定度衡儀以尊主位從順獨逆從正獨辟尹注從作  
眾是量實義美義讀爲儀與量字對亦通作議非  
茲是無以理人非茲是無以生財茲是二字皆當衍其  
一蓋或作茲或作是校者兩存之先王善牧之於民  
者也案牧疑收字之譌故下文云夫民別而聽之則愚  
合而聽之則聖信以繼信善以傳善案傳猶繼也戴

君謂傳當爲傳非

君臣篇下是故以人役上以力役明以刑役心案刑當

爲形 心道進退而刑道滔趕案此刑字亦當作形尹

注滔充也趕謂逡巡曲也疑趕當作迂下文云故民迂

則迂刑罰亟近也案亟近謂速斷後文云故正名稽

疑刑殺亟近則內足矣

小稱篇嘗試多怨爭利相爲不遜則不得其身丁云嘗

試二字涉下而衍是也又云古音之真對轉遜與利身

爲韵案之真古不通轉利亦非之部去聲遜與身亦不

同部則不得其身與上則不失於人矣爲對身下疑脫

矣字 不謗其君不毀其辭宋本毀作諱是不諱其辭

謂讜言也

侈靡篇而死民不服案當作而民死不服 必從是器  
匹乎尹注器卽鼻字也案字書無器字亦無鼻字疑鼻  
字之譌鼻有迫義危迫也 中寢諸子案戒篇作中婦  
諸子婦字與寢字形相似疑寢字是

心術篇上大道可安而不可說尹注夫道者無形無聲  
者也體神而安之則有理存焉如欲說之則無緒可言  
案依注則安乃案之借字大字疑本作夫 不虛則作  
於物矣件卽上趁字

白心篇爲善乎母提提爲不善乎將陷於刑案此卽莊  
生所謂爲善母近名爲惡母近刑也尹注提提謂有所

揚舉也是矣乃又曰欲爲善乎則人以我謙退無所舉則自相矛盾持而盈之乃其殆也名滿於天下不若其已也名進而身退天之道也案此卽老子所謂持而盈之不如其已功成名遂身退天之道也管子一書多襲道家言史公以老莊申韓同傳有以也

水地篇是以水集於玉案此集字亦當爲準

四時篇其德溫越溫怒周密案溫怒不辭尹注云雖復陰怒當節之以溫殊詰詞溫疑韞之誤

勢篇既成其功順守其從人不能代朱本代作伐案尹注從順也功成矣則以順理守之所謂逆取順守者也則人何能代之乎紬其義則注亦作伐今本皆誤

治國篇四民交能易作終歲之利無道相過也案小匡  
篇言士農工商各恆其業此篇專論務農重粟所謂四  
民交能易作亦各事其事耳無道相過猶言不相爲謀  
尹注乃云雖士亦善於農工雖農亦通於士業失之遠  
矣如此則下文何云民作一乎 是以民作一而得均  
民作一則田墾姦巧不生田墾則粟多粟多則國富姦  
巧不生則民治富而治此王之道也案此文蟬聯而下  
管商韓非多有此文法戴校引吳說謂當作得均則姦  
巧不生非

內業篇不可止以力案止猶過也尹注謂力止之氣愈  
去非 折折乎如在於側折字當讀如檀弓吉事欲其



折折爾之折鄭注折折安舒貌詩云好人提提釋文折大兮反是也繹上下文自見尹注折折明貌丁說卽哲哲之借殆不然

小問篇小以吾不識尹注能博聞多見齊其所不識疑小乃齊字之誤口開而不闔是言莒也案莒本闔口音開闔二字疑當互易

度地篇五者不可害則君之法犯矣犯疑治字之誤上文云五害已除人乃可治

地員篇凡將起五音凡首先主一而三之四開以合九九尹注一而三之卽四也此說殊謬先主一者謂全弦也三之者三因之蓋分其全弦之度爲三分也於是又

三因之則三其三分而爲九又三因之則三其二十七

而爲八十一蓋自始至此其爲三因者四次矣故曰四

開以合九九也四開猶云四三之

漢書律林志九三之以爲法十一三之自

爲實祀陝祀字不知何字之誤其民夷姤不辭尹訓

姤爲好亦未知所出

離騷曰勉陞降以上下兮求渠獲之所同湯禹嚴而求

合兮摯咎繇而能調同調爲韵或謂本于小雅之車攻

未知其果有意否然古人文辭固不免於薰染如宋玉

神女賦惆悵涕泣求之至曙本於悲回風涕泣交而淒

淒兮思不眠以至曙陸士衡辨亡論全摹賈生過秦論

李習之知鳳說本於韓退之獲麟解送馮定序後段本

於送董召南序蘇子瞻後赤壁賦結語本於李習之解江靈未暇悉數也

九歌大司命吾與君兮齊速導帝之兮九阼案玉藻君子之容舒遲見所尊者齊遯注謙慤貌也遯猶蹙蹙也述間云爾雅齊疾也舒遲與齊遯對文齊遯皆疾也蓋楚詞之齊速卽玉藻之齊遯故戴東原氏屈原賦注訓齊爲疾王叔師乃訓戒俗本遂誤爲齋洪興祖補注云齋戒以自敕失古義矣或問如此則與君何義曰此卽上所云踰空桑兮從女也又少司命云與女沐兮咸池河伯云與女遊兮九河與女遊兮河之渚涉江云吾與重華遊兮瑤之圃意略相同今案齊亦升也

見卷一

注杜詩者世尙錢箋然未爲盡善循覽所及輒識之

奉贈韋左丞丈韋以先世之誼呼之爲丈貌爲好賢實不能薦

達徒誦佳句蓋不如李邕王翰之知人彈冠之喜虛願

耳快快以去終南之外無所戀也殘杯冷炙一飯之德

不可無以爲謝故作是詩非猶有望於韋也 它本異

同可兩存者自宜注然如甫昔少年日之少一作妙王

翰願卜鄰之卜陳作爲自謂頗挺出之出一作生白鷗

沒浩蕩之沒一作波皆謬誤而猶存之何也全書此類

甚多姑舉其例後不復出

行今夕馮陵大叫呼五白注引三白三黑爲犍案携蒲止

五木安得有三白三黑李習之五木經白三元二曰擲

白二元三曰據此云犍蓋卽彼經所謂牛三白二之犢也今俗本誤作牛三白三程大昌旣承其誤又誤爲三白三黑李集非僻書漫不加攷爾

白絲行 春天衣著四語形容盡致筆墨俱飛其實從萬草千花句來此謂裁縫減盡針線迹也

同諸公登慈恩寺塔一結不復迴顧正是對此茫茫百端交集承

第四句來全篇主意在此淺人贅說紛紛徒令杜公一

笑

示從孫齊首四句寫出殘杯冷炙到處悲辛形景無論外人卽同姓亦不免

三章江著筆無多而氣象縱逸尺幅有千里之勢微杜公

誰能爲之

麗人楊花四句案古樂府雞鳴篇末桃生露井上李樹生桃旁蟲來齧桃根李樹代桃殭與上絕不相關而末二句云樹本身相代兄弟還相忘則不接之接蓋隱語別有所指此詩似從彼出

樂遊園歌此應酬詩也木瓢以爲雅鞍馬以爲豪如此而已若憐杜公若傲杜公杜公視之亦殘杯冷炙類耳獨立蒼茫何足與語哉

漢陂行前路一平一險雨兩相閒中間合成一片末路蓋是燈光水光上下交映作者讀者心目皆搖咫尺雷雨天作陣雲乃實境昨夜遊秦淮因悟此

漢陂西效康樂而本色自不可掩

奉同郭給事坡陀金蝦蟆六句亦麗人行筆意錢箋得

之

沙苑末四句是杜老獨造之境無弟二手可到

袁王參差錯落看似語言無次而一種悲涼感歎滿眼

淚痕自在意言之外此謂天地間至文

大雲寺黃公房絲履毼巾蓋贊公以人所施者贈公故歎其交

情之如新然而公之窮可知矣晤語契深心那能總

卸口蓋世事艱難不欲置吻傷心之極而贊公之言有

深相契者不能不一傾吐也

蘇端薛復筵前段肩肩文章名譽至後一槩抹殺所謂

身後千載名不如生前一杯酒而其滿腔懊恨卽已從  
垂死四句中伏根非真曠達也

徒步歸行須公櫪上追風驃案後漢書列女傳蔡文姬請追  
赦董祀曰公廩馬萬匹虎士成林何惜疾足一騎而不  
濟垂死之命乎此用其意

病後過王倚飲贈歌老馬爲駒信不虛案角弓詩老馬反爲駒不  
顧其後言其老而貪得舊注謂反如駒之健啖與杜意  
合錢詆其撥棄傳箋迂矣

新婚別

邙風擊鼓之三章曰死生契闊與子成說執子之

手與子偕老其四章曰于嗟闊兮不我活兮于嗟洵兮  
不我信兮王肅以爲從軍者與其家室訣別之詩此篇



深得其意

遺興第五首 弟四首即承上章所云蕭京兆而言

後出 封氏間見記權皋為范陽節度使掌書記祿山男

慶和尚主皋在京親之疑視誤禮會畢知祿山有異謀出路

託疾詐死家人載喪以歸上京復肅宗發詔褒美拜起

居郎辭疾不赴皋以崎嶇喪亂脫身虎口遂無宦情在

江外七年卒此末章所云疑即皋

三節鳳皇蓋指李鄴侯 邪羸之邪讀為餘餘羸同義

張平子西京賦邪羸優而足恃五臣注邪偽也又云欺

偽之利自饒足恃也讀邪為似嗟切而善無言茗溪漁

隱遂引之以說杜詩大謬

又觀打魚常事目而寫來如史公書楚漢爭衡范史書  
昆陽之戰筆力肆橫極矣卻又不費浮烟浪墨日暮二  
句正如顏魯公書力透紙背又接干戈二句真到二十  
四分當觀其胸次如何勿徒賞其筆力

杖引

桃竹杖兮杖兮云云所以戒章仇也此老口中總無閒

言語

章韞錄事宅觀曹將軍畫馬圖此皆二句跳出題外末段亦然自杜公

開此法門後世頗有效顰者神氣去而萬里無其胸次  
故也

引丹青

每下一筆必有異樣光采細思之亦在人意中不

知何以他人寫不到而先生獨能之杜詩全部皆然不

獨此篇也

三絕作者自題爲絕句而編詩者以爲古詩可笑

柴門起云迴首望兩崖末云迴首猶暮霞恐有誤

觀公孫大娘弟子舞劍器行

序云觀公孫氏舞劍器渾脫案宋史樂

志教坊所奏十八調中呂宮曲黃鍾宮曲皆有劍器一

調又中呂宮曲因舊曲造新聲者五十八調亦有劍器

一調然則劍器是宮調曲名歌者歌而舞者舞也據注

所引明皇雜錄歷代名畫記竝以劍器渾脫連舉疑渾

脫亦舞曲名觀詩中絳脣珠袖及玳筵急管句顯是

兼歌舞

據沈存中筆談劍器非劍別是一物

夜歸堂前把燭噠兩炬注噠一作喚噠喚皆不可解疑煥

之譌

遇遭自喜遂生理花時甘緼袍甘下注刊作貰貰疑質之

譌

過洋物微限通塞惻隱仁者心此卽解憂篇減米散同

舟意

冬日洛城北謁禁禦注一作禦錢引羽獵賦禁禦所營

應劭曰禦止也謂禁止往來案作禦是也說文作籥漢

書作籥見宣帝紀蘇林曰折竹以繩縣連禁禦使人不

得往來律名爲籥禁籥與上元都對作禦者爛文錢說

非

贈特進寸長堪繾綣謂薄技寸長皆蒙拂拭也謬本長

汝陽王

餘筆卷三

十四

作腸可發笑此等亦注之直不辨黑白

送許八拾遺歸江南觀省甫昔時常客遊此縣於許生處乞瓦棺寺維摩圖樣志諸篇末杜公遊江

甯年譜不著惟壯遊詩有東下姑蘇臺句譜繫之開元

十九年年二十三疑在其時壽酒樂城隍注一作幾

日賽城隍案易泰上九城復于隍說文隍城池也有水

曰池無水曰隍玉篇云隍城下坑也城隍固宐有神焉

司之然不得即謂其神曰城隍而俗傳城隍神之廟曰

城隍廟觀此詩則唐時已然

寄岳州賈司馬六丈巴州嚴八使君兩閣下末句志在必騰騫案騰騫之騫

在元韻此詩通篇押先仙後字元惟此字出韻張騫之

韻上已押

梅雨南京西浦道注西一作犀苕溪漁隱云犀浦在成都

府二十五里案唐之犀浦今爲郫縣

漫成讀書難字過謂遇疑難之字不復研究也卽不求

甚解之意

江上值水如海勢聯短述

老去詩篇渾漫興案興字本作與昔人曾

言之與讀爲預漫與謂隨手作之承上起二句而來言

今老矣不能作佳句也姜堯章清波引新詩漫興與字

押韵正用杜詩蓋所見本猶未誤

又前齊天樂幽詩謾與漫作謾蓋亦同此

戲爲六絕句才力應難誇數公誇疑當跨

江頭五詠麗春

此詩前二韵去聲後二韵轉平聲不當編入

近體蓋作者因寄所適信筆直書忘其爲古爲律編詩

者牽於同時五詠不能分隸耳第一首丁香用去聲亦此例又案卷二早秋苦熱堆案相仍卷五光祿坂閬山閬水卷七秋風二首皆在古律之間此非分體編詩者所知

贈崔十三評事公輔飄飄西極馬來自渥洼池颯颯定山桂低徊

風雨枝案此用隔句對雙起變體也對句作颯颯則首

句當從吳本作飄颯而蒙叟不覺隔句對雙起白

示獠奴阿段陶侃胡奴事見太平廣記當作陶峴在偽坡注

前

課小豎鋤碎舍北果林枝山雉防求敵敵疑匹字之誤

蔓荒穢淨訖移牀三首然防字仍不可通疑當作妨

峽水有遠湖樹人今何處船今字疑當作來或云吟字  
爛文

八秋興

每依南斗望京華南注一作北案長安在夔州之

北故云北斗月三首之一云故園當北斗直指照先秦

末啻自下注腳矣末二句承首句來言自日落至夜深

也一日江樓坐翠微一日猶言盡日也釋山山脊岡

未及上翠微郭注近上旁陂意謂近山脊也與山顛相

連而不可到者既云江樓則非身在翠微坐字疑當作

望艸書形近

姚惜抱以坐字不通  
改爲江頭截趾適履

幾迴青瑣照朝班

照注一作點案點字是也點與玷通今譌爲照不知蒙

叟作何解

白頭吟望苦低垂吟字毛西河謂當與上



餘筆卷三

六

句昔字對姚惜抱今體詩選從之是也

秋日夔府詠懷

常時弟子傳常疑當字之譌

詠懷古跡五首

古廟松杉巢鸛鶴上云野寺此不當復云古廟

疑古樹之誤

諸將五首

朝廷衮職雖多預注云一作誰爭補案雖多預雖

似率誰爭補則小兒語矣

復愁十二首

人煙生處僻處僻注云一云遠處案据此則處

僻二字當倒與下新蹄對

冬早霞隨類影隨類謂隨物象形也一本作隨淚則不

可解且與下淚字複

三被渴味空頻渴注一作喝案作喝是也謂中暑氣

故食皆無味若作褐則患瘡而寒矣

朝二蒲帆晨初發帆字去聲使風也今與下扉字對且

連蒲字則借實義

憶鄭玳蓋僧名而詩似祇言伏毒寺所在

戲作俳諧體遣問二首夢溪筆談據士人劉克寬案夔州圖經

峽中人以鷓鴣捕魚謂之烏鬼然則養烏鬼謂養鷓鴣

也錢箋繁傳博引證爲巫鬼之鬼何以解養字舊識

能爲態新知已暗疏寫薄俗微而顯

過客相尋客至罷琴書見無客之時惟以琴書自遣耳

黃脂膏兼飼犬長大不容身此鱣鯨魚也前俳體詩處

處食黃魚卽此當有所指

餘筆卷三

七

舟出江陵南浦雨洗平沙靜靜當爲淨字之譌

奉寄鄭少尹茗溪漁隱叢話据舊唐書廣德元年遣李之芳

哭李尚書之芳等使于吐蕃爲虜所畱二年乃得歸故云奉使失張騫

贈韋七贊善洞庭春色悲公子蝦菜忘歸范蠡船錢箋云此

謂楚之洞庭也陶朱中男殺人囚於楚張華曰陶朱公

冢在南郡華容縣西故知非吳之洞庭也案上句南遊

云云固未知其爲吳爲楚此所云范蠡船不過用五湖

事耳何必實以中男殺人及陶朱冢然則蒙叟之於詩

果矣夫

奉酬寇十侍御錫黃帽待君偏箋引師古曰刺船之郎

見寄四韻復寄寇皆著黃帽因號曰黃頭郎也案黃帽猶言黃冠發劉郎

浦詩云黃帽青鞋歸去來此杜自謂引鄧通傳注殊覺不倫

曝書亭集寄查德尹編修書富平李天生論少陵七言近體一三五七句用上去入三聲必隔別之莫有疊出者蒙問是言與李十九武曾共宿京師逆旅誦少陵七律惟八首與武曾言不符鄭駙馬宅宴洞中云春酒杯濃琥珀薄誤疑茅堂過江麓自是秦樓厭鄭谷疊二入聲江村云老妻畫紙爲碁局多病所須惟藥物疊二入聲秋興云織女機絲虛夜月波漂菰米沈雲黑疊二入聲江上值水云爲人性僻耽佳句老去詩篇惟漫興新添水檻供垂釣疊三去聲題鄭縣亭子云雲斷岳蓮臨

大路巢邊野雀羣欺燕疊二去聲至日遣興云欲知趨  
走傷心地無路從容陪語笑疊二去聲卜居云已知出  
郭少塵事無數蜻蜓齊上下東行萬里堪乘興疊三去  
聲秋盡云籬邊老卻陶潛菊雪嶺獨看西日落不辭萬  
里長爲客疊三入聲久而覩宋元舊雕本暨文苑英華  
證之則過江麓作出江底多病句作賴有故人分祿米  
夜月作月夜漫興作漫與大路作大道語笑作笑語上  
下作下上西日落作西日下由是推之七月六日苦炎  
熱第三句用蠍字作苦炎蒸者是謝安不倦登臨賞第  
七句用府字作登臨費者是循此說以勘五言雖長律  
百韻諸本半義之異可審擇而正之

案竹垞之言如此今以推之五言如登兗州城樓疊日嶽二

入聲嶽一本作岱是也重過何氏其五疊宿色二入聲色一本

作鬢是也奉簡昭集賢院疊雜闊二入聲一本猶契闊

作連瀕洞是也崔氏東山草堂疊靜響二上聲靜疑當作淨月夜

德舍弟疊散避二去聲避字樊作達是也歸燕疊序訪二上

聲訪一本作誤是也惡疊有者二上聲者一本作木是

也赴青城縣出成都寄陶王二少尹疊笑縣二去聲一本首句作老被

樊籠役是也居疊海左二上聲一本左作北是也此外

或有兩收之聲可以通用然二疊三疊者不少未必盡

拘要不可不知故附於此

姜堯章白石道人歌曲六卷卷一皇朝饒歌鼓吹曲十

四首琴曲一首卷二越九歌十首卷三令三十二首卷  
四慢二十首卷五自度曲十首卷六自製曲四首又別  
集一卷十八首乾隆己巳我郡張弈樞所刊自序言王  
子春客都門與周子耕餘過澹慮汪君見陶南邨手抄  
本爲樓觀察敬思所珍藏者因錄副焉戊午秋耕餘以  
抄本見屬質之黃宮允唐堂厲孝廉樊榭陸大令惜浦  
重加點勘而與姚徵士鱸香商定付梓全編字畫放宋  
頗端秀琴曲旁箸指法越九歌旁箸律呂卷三鬲溪梅  
令杏花天影醉吟商小品玉梅令卷四霓裳中序第一  
卷五自度曲卷六秋宵吟淒涼犯翠樓吟皆箸譜字凡  
箸旁譜者皆箸宮調名此板後入南蕩張氏書三味樓

飽白蟻矣同時又有揚州鉅商陸鍾徽刻本亦云出自樓敬思大略相同而歌曲之外增輯白石詩三卷詩說一卷大樂議一卷當時唱酬詩一卷亦放宋板而其譜式以意改竄每失故步此板後入江鶴亭奉宸家再歸阮文達公道光癸卯燬於火揚州別有知足知不足齋刊本字形較寬止有歌曲又有戴氏長庚所著律話全載姜詞旁譜易以正字歲乙巳文達以陸本寄示屬刊入指海乃合各本校之覺總不如張刻之善然張刻亦不能無舛誤聞世閒尙有朱嘉泰刻本欲求得一校因循未遂逃難出走書沒賊中壬戌夏夏君貫甫今得此本於滬市以見詒猶張刻也攜之行篋憶前所見隨手



錄記不忍翫置姑存之

卷一聖宋

聖宋目作皇朝吹上脫鼓字當依目補

因

製辭曰導引曲十二時六州歌頭皆用羽調音節悲促

案宋史樂志自天聖以來

帝郊祀躬耕籍田皇太后恭謝宗廟悉用正宮導引六州十二時凡四曲其後祫享太廟亦用之大享明堂用黃鍾宮凡山陵導引靈駕獻章懿皇后用正平調仁宗用黃鍾羽神主還宮用大石調凡迎奉祖宗御容赴宮觀寺院并神主祔廟悉用正宮惟神宗御容赴景靈宮改用道調熙甯中親祠南郊曲五奏正宮導引奉醴降仙臺祠明堂曲四奏黃鍾宮導引合宮歌皆以六州十二時然則導引十二時六州不皆用羽調與姜此序不

合

上帝命十世之後乃復其天案高宗養孝宗於宮中為太祖七世孫

此云十世疑字形相近而譌

淮海案歌云淮海濁老將戾濁字不誤宋志作淮海清

誤

皇威暢百萬濯疑躍字之譌

琴曲側商調乃以慢角案琴正宮調以一弦為倍徵二

弦為倍羽三弦為宮四弦為商五弦為角六弦為少徵

七弦為少羽乃變之遞緊五七四六各弦至第四變而

六弦皆緊惟第三弦未緊謂之慢角調者琴家蓋以弟

三弦為角弦故也

慢四一暉取二弦十一暉應琴家

以四弦爲黃鍾正徵林鍾今慢一暉則退位爲黃鍾變宮應鍾也側商卽二十八調之大石調乃黃鍾一均之商調而云側商之調久亡蓋據琴曲而言故自不同

楚

案左上角六字乃左手指法當作大今作六者字形

相近而譌凡譜中𡗗𡗘𡗙𡗚𡗛𡗜𡗝𡗞𡗟𡗠𡗡𡗢𡗣𡗤𡗥𡗦𡗧𡗨𡗩𡗪𡗫𡗬𡗭𡗮𡗯𡗰𡗱𡗲𡗳𡗴𡗵𡗶𡗷𡗸𡗹𡗺𡗻𡗼𡗽𡗾𡗿𡗺𡗻𡗼𡗽𡗾𡗿<sub>下令</sub>案此疑當

下  
令

案此疑當

作零乃索鈴也本或作零律話以爲一下八吟恐非

形體

此字誤當作

再作豆

乃從頭再作也案此下有泛聲一段

所記字大略與首段同但取浮音耳蓋卽此所謂從頭  
再作陸本誤以此字對首段末顧字謬甚

辰

案此字上有正字則泛聲已止此字旣用散聲則非

泛聲當移對下段世字而下段世字所對英字以下皆  
當降一格今因英字誤入泛聲之末下段遂遞佔上一  
字而未段歡字所對遂又移對素字歡旁譜字遂空重  
校刊者宜移正

右帝舜案此章旁譜用黃太姑蕤林南應七律依後諸

楚調歌例題下當有黃鍾宮三字於二十八調為正宮

在竈文選靈光殿賦竈竈垂珠善注說文竈物在穴中

貌竈亦竈也案竈竈蓋連語說文無竈字疑祇作吒因

竈而加穴今竈又因竈而增口矣右王禹吳案此調

用夾仲林南無黃太七律於二十八調為中呂宮

壺觴有酌酌當作酌右越王越案此用無黃太姑仲

樂有魚調無射商

林南七律於二十八調為越調

太南此載字誤近番禹陳氏聲律通考作應是  
右越

載南此載字誤近番禹陳氏聲律通考作應是  
相側

鍾商黃案此調用律與帝舜章同於二十八調為大石

調有項王古平案此調與越王章同於二十八調為黃鍾

宮

白馬駛兮駛當作駛陳本不誤  
汨當作汨

神雙調之案此調用夾仲林南無黃太七律題下當有

夾鍾商三字於二十八調為雙調

右曹娥側案此用夷無黃太夾仲林七律於二十八

調為仙呂調

右隴將軍高平調林鍾羽案此當用林南應大太姑蕤七律而譜無

大字是去變徵聲也沈存中筆談記林鍾均四調亦不

及大呂而有下五則有清變徵陳本於第二句躍旁太

字作大豈別有所攷邪此於二十八調爲高平調

右旌忠中管商調南呂商案中管商調者以南呂一均爲夷則之中

管也當用南應大夾姑蕤夷七律而譜有太清疑誤

予青衿兮父爲中予當作子陳本不誤 右蔡孝子中管般瞻

隋志作般瞻卽般涉調也曰中管般瞻調者案張叔夏

詞源列八十四調以大呂一均爲高宮而太簇一均爲

其中管堯章大樂議則以大呂一均爲黃鍾均之中管

故此調用大夾仲林夷無黃七律則太簇一均轉爲高

宮其實一也

古今案旁譜諸字合作△乃詞源同疑本作△西四竝作

マ詞源西作マ②一竝作一詞源一作上作么亦或作

乃上疑本作上勾作し詞源同案此字當時樂工以配

故合其字艸書也為記號然姜詞有旁譜者惟高平調之

玉梅合及角招皆用疑實勾字餘譜中有し者皆形近

而謫如人尺作人詞源王工作工詞源王工作瓦凡

又ム皆易混也尺作人詞源王工作工詞源王工作瓦凡

め詞源五作め王高五也作み詞源又案詞源管色應

指譜有狀住大力住小掣折以打諸記號此旁譜亦有

少リリめフ等記與凡五工等諸字相亂不能

悉正以待知音

簾笛有簾譌簾

折字驚聲繞紅樓案近有上去二音無平聲此音疑誤

近前舞絲絲隔溪梅令案仙呂調乃夷則一均之羽與越九歌曹娥

章同用至瓦合四上尺六五至好秀案么乃本調

殺聲乃乃拍號非川字凡秀譜有脊字者放此樣秀

此即一字折後放此

鵬鵠天一昨天階預賞時階疑街

杏花案此詞不注宮調以其所用字及殺聲推之則中

呂調也是為夾鍾一均之羽用上上尺工瓦合四六五

五風秀疑當如後段歸秀作了舞秀無此式疑當

作介



醉吟商  
小品

案此詞亦不注宮調據其名偁及序云雙聲則

雙調也與越九歌濤之神同是爲夾鍾一均之商用字

與杏花天同 吳炯五總志馬氏南平王時有王姓者

善琵琶忽夢異人傳之數曲仙家紫雲之流亞也又云

此譜請元昆刊石于甲寅之方與人世異者有獨指泛

清商醉吟商鳳鳴羽應聖羽之類案如姜序不過舊譜

失傳偶得之於老樂工耳吳說近於妖妄

玉梅令  
高平調此與越九歌龐將軍章同爲林鍾一均之羽用

尺工川酉四一勾五五 香旁案林鍾均不用合疑當

如後段花旁作人 梅旁案林鍾均不用五疑誤 日

么案林鍾均不用上疑誤

浣溪沙第二 我友汪曰楨云不當作其

又第五 蠟譌臘

霓裳中 據序偶商調蓋夷則一均之商也用至瓦合四

正上尺六五五 叶韵處多脫拍字譜亦多淆亂無可

整理

齊天樂 候譌侯

滿江紅 傳詞用仄韵多不協如末句云無心撲歌案心

字融入去聲則撲字不能不轉為平矣又案此詞前結

佩字固去聲而後結影字乃上聲然則叶平韵可不拘

邪 風與筆 駛譌駛

一夢紅想垂楊 楊一本作柳與前段語字合

還裊萬絲金

三

月下笛多情趙開禮陽春白雪本上作閒與前段蔑字  
合

清波引新案與字叶韵與起處同前齊天樂漫作謾見杜

詩

琵琶仙吳都賦云戶顧千里云此李庾西都賦見唐文

粹

玲瓏四犯漫處羸譌羸下探春慢摸魚兒兩闋同誤

得天涯驛旅案移乃撈字之譌

仙更教誰此與前段秦淮貴人宅第句同而缺一字

或移下句首做字轉韵不知此句本不須韵文義又不

通而下句仍缺一字雖宋人亦有六字句者而與本詞

前後又不合

揚州慢案此與越九歌王禹章同是為夾鍾一均之宮

用上尺工凡合四六五五窺旁疑久字爛文前後

兩結么此可疑非五字蓋一下拍後長亭怨慢兩結皆

同又凡菊譜上下皆兩字者放此

淡黃柳正案此為仲呂一均之羽用上尺工凡合四一

六五

石湖仙此與越九歌越王章同為無射一均之商用瓦

合四一上尺工六五

暗香仙此與下疎影皆夷則一均之宮用至瓦合四一

上尺六五五

簡紐衣案此卽黃鍾宮也與越九歌項王章同爲無射

一均之宮用字與石湖仙同

角招黃案二十八調之七角乃借用變宮此則黃鍾之

正角用合四一勾尺工凡六五宋仁宗樂髓新經及詞

源所列八十四調有之祇香案史晨後碑吹作不故

譌爲吹然疑吹乃令字誤也薄人此吟管爲吹何堪

更繞西湖汪曰楨云西字衍校者誤以旁譜各升一字

盡是垂柳柳旁遂缺譜趙虛齋此句作昔枝上翦成萬點冰萼止

作九字可證也

徵案此亦黃鍾正徵不在二十八調中用字與角招同

黃鍾徵雖不用母聲亦不可案此詞八用合字七用

多用變徵

凡字五用勾字不爲少矣

然無清聲只可施之琴瑟

此詞又屢用

六五 蔡條鐵圍山叢談時燕樂告備因作徵招角招  
有曲名黃河清壽香明者極韶美次膺作一詞云云案  
此卽丁仙現所譏落韵者也晁端禮黃河清詞今見彼  
集與此詞句調亦略近然則姜雖自度曲實藍本舊腔  
耳今附於此晴景初升風細細雲疎天淡如洗檻外鳳  
皇雙闕蔥蔥佳氣朝罷香烟滿袖近臣報天顏有喜夜  
來連得封章奏天河澈底清泚君王壽與天齊馨香動  
上穹頻降嘉瑞大晟奏功六樂初調角徵風乍轉萬花  
覆千官盡醉內家傳敕重開宴未央宮裡

自製曲

案自製曲與自度曲何所異必分二卷若如卷末

湘月則仍舊調過腔非特撰也

秋霄吟

霄當作宵越調見前

案此詞乃雙拽頭自古

簾空至箭壺催曉為一疊自引涼颼至暮帆烟草為一

疊旁譜皆同

我友蔣敦復說同

淒涼犯如道調宮上字住雙調亦上字住所住字同故道調曲中犯雙調或於霍調曲中犯道調

案霍

字誤所謂道調曲中犯雙調或於雙調曲中犯道調者

雙調是夾鍾之商道調是仲呂之宮夾鍾用一上尺工

瓦合四六五五仲呂用上尺工凡合四一六五而皆住

聲於上字所不同者惟凡與瓦耳故可相犯

亦曰瑞鶴仙影

此與瑞鶴仙句調亦大同小異

翠樓吟

霍當為雙雙調見前

情旁當如前段樓旁作

初味下脫拍當移仗旁ノ補之么又八各當移上一格  
對仗酒被三字愁旁約誤合二字爲一當移么對清勻  
對愁與前看檻曲縈紅五字同案凡前後徧除換頭外  
多相同或脫落或錯互致不可辨耳姑發凡於此

湘月卽念奴嬌之高指聲也於雙調中吹之

案雙調者夾鍾之商住聲於上

字大食調者黃鍾之商住聲於四字今云高指聲者方  
成培云上四之間隔一字也

見所著詞塵

案卷四目錄玲瓏

四犯注云此曲雙調世別有大石一調今卷內玲瓏四  
犯下無此注而說與此序相合蓋當在此調傳者誤耳  
又案碧雞漫志念奴嬌又轉道調宮高宮

高指亦謂之過腔見

晁無咎集

案晁無咎琴趣外篇消息注自過腔卽越調永遇



樂不知度入何調過腔蓋卽曲家翻調

嘉泰壬辰至日刻于東巖之讀書堂雲間錢希武

案宋甯宗嘉泰元年辛酉四

年甲子其明年改元開禧凡三年又明年改元嘉定以迄十七年甲申無壬辰豈壬戌之誤邪錢希武雲間志無攷張奕樞亦我雲間人陶南邨樓敬思皆曾作寓公此本之流傳蓋有因也

上算子七拆得冰鬢碧鮮花

折譌拆

宋人詞集存於今者惟張子野柳耆卿分簪宮調其有旁譜者惟堯章此集耳據張叔夏詞源言其父斗南略有寄開集亦旁綴音譜今已不傳則此集實言光之片羽矣其中雖錯亂脫落就其可辨處尋之猶稍能領其

音節安得好事者重刊之庶不與寄閒集同歸泯滅乎  
宋人歌詞以合四四五一上勾尺至工凡配十二律  
以六五五五配四清聲凡十六聲今人度曲以上尺工  
六五配五聲以乙凡配二變而各有低聲高聲凡二十  
一聲然皆不能盡用也以之配字各有條理故卽依旁  
譜歌堯章詞必不能相合也

趙彥肅所傳開元鄉飲酒十二詩譜皆一字一聲朱子  
譏之然堯章旁譜亦復如是今之水磨腔則有一字數  
聲者取其曲折盡致意卽宋人所云纏聲然則朱子所  
謂疊字散聲者當時蓋亦有之殆以其近於繇手淫聲  
故不取與

今樂七字不知始於何時或舉大招四上競氣極聲變  
只謂卽宮逐羽音之意然競氣自屬吹唱宮逐羽音見  
段安節琵琶錄則爲弦音恐非同義案隋志蘇祇婆論  
琵琶七聲六曰般瞻華言五聲卽羽聲也般瞻卽般涉  
五卽四之高聲於次第六則以五配羽此其一證